

# *FHETHU HE MUDZIMU A HU NANGELA VHURERELI*

 Kha ri vhe ro ima lwa tshifhinganyana ro kotamisa zwifhātuwo zwashu uri ri ite thabelo. Huno zwino, ro kotamisa zwifhātuwo zwashu, ndi a fulufhela zwauri mbilu dzashu dzo kotama, na dzone-vho, ndi a mangala uri ndi vhangana ngomu hafha madekwana ano vhane vha tama u humbulwa thabeloni, nga ha tshiñwe-vho tsha ndeme? Naa ni nga imisa tshanda tshañu, na ri, “Mudzimu, nñee madekwana ano itsho tshine nda khou tshi töda.” Murena a ni fhañutshedze.

<sup>2</sup> Khotsi ashu wa Tađulu, musi zwino nga u diđukufuhadza ri tshi sendela kha Khuluñoni khulu ya tshilidzi, nga lutendo, ri a fhiruludza ra dzhena Bvungwi; hune Mudzimu, na Vharuñwa, na Vhakerube, na gogo loþhe la Tađulu la kuvhangana. Ngauri O amba la uri na þongola nthihi zwayo i nga si wele fhasi Khotsi wa Tađulu a sa zwi ðivhi. Ene U zwi ðivha u fhirisa zwa fhano musi mađana a vhatku o kotamisa zwifhātuwo, vha tshi khou vhidzelela kha Iwe vhe na khumbelo dza ndeme. Khotsi, lavhelesa fhasi kha shango li no shaya madekwana ano, ngauri ri vhatku vha shayaho.

<sup>3</sup> Huno ndi a rabela, Mudzimu, zwauri ngauri ro kuvhangana fhano nahone ri tshi U sumbedza lutendo lwashu kha Mudzimu a tshilaho Ane a fhindula thabelo; ro bva vhukati ha shango la vha songo rubaho, mbiluni na ndevheni, ro bva uri ri tshile vhutshilo ha u dikhetha, nahone ra tshila ri tshi bula lutendo lwashu kha Iwe. Huno madekwana ano ro imisa zwanda zwashu, nahone ri tshi ri, “Ri khou shaya.” Mudzimu a funeåho, fhindula iñwe na inwe ya khumbelo dzavho.

<sup>4</sup> Huno zwenezwo, Khotsi, ri rabela zwauri U ri dalele madekwana ano Ipfini. Ri da fhano uri ri lulamiswe, uri ri pñesese, uri ri kone u ðivha uri ri tshila hani ðuvha la ñamusi; ndi zwifhio zwine ra tea u sedza khazwo, ri tea u ita mini. Ngauri, ri a zwi ðivha zwauri U vhuya ha Murena hu khou sendela, u ya nga ha zwiga zwe ðivha zwa vhaporofita vha zwi amba zwi sa athu bvelela. Ri khou sendela kha tshifhinga, Murena, tshine thengululo ya tshoþhe ya do ñewa vhana Vhau. Mudzimu, ri tendele, muñwe na muñwe, a vhe henengei, Khotsi. Ngavhe hu sa vhi na muthihi ane a sa do vha hone. Heyi ndi ndivho yashu ya u vha fhano, Murena. Ri a U funa, huno ri khou lingedza u lugiselä hetsho tshifhinga.

<sup>5</sup> Amba na riñe, ri khou dovha ra humbelä, madekwana ano. Nahone fhodza vhalwadze. Vhalwadze vhoþhe na vha þupheaho

vha re ngomu kha tshifhaṭo, ri khou rabela zwauri U do vha fhodza, Murena; nahone zwihiłuhulu avho vhane vha vha na ḥhodea dza mya. Ri rabela zwauri U tshidze mya muñwe na muñwe wo xelaho. Dadza mutendi muñwe na muñwe nga Muya Mukhethwa. Huno vusulusa nungo na Maanda ngomu kha vhana Vhau vha tendaho. Nea hezwi zwithu, Khotsi. Ri humbelala zwinzhi, ngauri Wo ri vhudza uri ri humbele, “humbelani zwinzhi, humbelani zwihiłulu, vhunzhi hazwo,” uri madakalo ashu a ḫale. Huno ri zwi humbelala Dzinani ḫa Yesu Kristo. Amene.

Ni nga dzula.

<sup>6</sup> A thi timatimi uri u tondwa ha ano madekwana ndi huhulu, u dovha nda vha fhano pułatifomoni, fhano ngomu kha tshikolo tsha n̄tha, u livhana nā havha vhathu vhavhudī vho kuvhanganaho u do pfa Mafhongo-madifha. Ndi humbelala tshilidzi tsha Mudzimu uri tshi mpfarise u ni vhudza Ngoho u ya nga hune nda ḫivha Ngoho. U kha ḫi kona u vala mulomo wa muthu, u fana na musi O kona u vala mulomo wa ndau. Huno arali ndi tshi nga lingedza u amba tshinwē tsho khakheaho nahone tsho fhambanaho na lufuno Lwawe, thabelo yanga ya vhukuma ndi ya uri A vale mulomo wanga, uri ndi si tshi ambe. Ngauri, zwa vhukuma, ndi ḫoda u vha Liṭadulu, n̄ne; huno ndo vha ndi si nga vhi hone, nahone, nga nn̄da ha hezwo zwoṭhe, ndo vha ndi tshi do vha murangaphanda wa kholekhole, muthu o itaho tshithu tsho khakheaho. Arali ndi tshi tshi ita, ndi ngauri a thi ḫivhi phambano yazwo. Murena a ni fhaṭutshedze.

<sup>7</sup> Zwino, matshelo nga matsheloni, arali lu tshi do vha lu lufuno lwa Mudzimu, ndi khou ḫoda u amba nga ha ila therò, *Mbingano na Thalano*. Huno ri a fulufhela zwauri ni do da, na ḫa na penisela na mabammbiri anju. A ri nga dzhii tshifhinga tshilapfu nga maanda, fhedzi ndi qo takalela u... Heyo yo vha ndivho yanga ya u vhuya fhano, u ranga, Indiana, hezwo ndo ni fulufhedzisa zwone. Huno ndi do lingedza, matshelo nga matsheloni. Arali nda sa i wana matshelo nga matsheloni, ndi do i wana matshelo vhusiku. Fhedzi ndi khou ya u lingedza matshelo nga matsheloni, arali Murena a tshi funa, u amba nga ha therò, mihumbulo mivhili yo fhambanaho. Huno Mudzimu nga a ri farise u ḫivha tshi re Ngoho, u tou ḫivha fhedzi tshire tsha vha Ngoho, uri ri kone u tshimbila Ngohoni na Tshedzani. Ri...

<sup>8</sup> Ni a ḫivha, ndo vhuya nda vha na khonani ya kale ya mukhaladi. O ri kha n̄ne, a ri, “Mukomana Billy,” a ri, “A—a thi khou ḫoda khakhathi na nthihi ngei mulamboni.” A ri, “Ndi ḫoda u vha na thikhithi yanga tshandani. Huno musi ndwevha i tshi lila, a thi khou ḫoda khakhathi na nthihi henengei. Ndo humbelala Murena, tshifhinga tshilapfu tsho fhiraho, arali hu na tsho khakheaho, kha ndi tshi lulamise zwino,” a ri, “ngauri hu do vha hu na swiswi na mađumbu nga eneo matsheloni musi

gungwa li tshi wetshela kha linwe sia.” A ri, “A thi khou ṭoda u dzhenelēlwa na kathihi. Ndi ṭoda u ṭhogomela zwoṭhe zwino.” Ndi zwe ra dela zwone fhano, u lingedza u lwa na zwithithisi zwoṭhe, uri ri kone u pfukela seli nga iyo awara.

<sup>9</sup> Zwino, ndi nga si ambese na vhoiñwi madekwana ano, ngauri ri na tshumelo mbili matshelo. Huno zwenezwo ndi ḍo ṭuwa, nda ya huñwe-vho, kha dziñwe, tshumelo dzi re na tshivhalo.

<sup>10</sup> Fhedzi, zwino, kha Bugu ya Doiteronomio. Ndi tama u vhala kha ndima ya 16, ndimana tharu dza u thoma, dza Doiteronomio 16:1 u swika kha ya 3.

*Sedza nwedzi wa Abibi, huno u ite vhuṭambo...  
MURENA Mudzimu wau:...nga (wa vhuna) nwedzi wa  
Abibi MURENA Mudzimu wau o u bvisa kha ḥa—kha ḥa  
Epipita vhusiku.*

*Ngauralo iwe u ṭhavhele MURENA Mudzimu wau  
zwitvhavhelo zwa vhuṭambo, zwa zwifuwo na zwa  
kholomo, fhetu he MURENA a hu nangela u vhea dzina  
lawe hone.*

<sup>11</sup> Zwino, therò yanga madekwana ano ndi: *Fhethu He Mudzimu A Hu Nangela Vhurereli.*

Arali ni na vhusedzi, nwedzi u no pfi A-b-a-d...-b i hone, zwi amba “Lambamai.” Ho vha hu nwedzi wa Lambamai musi vha tshi pfuluswa.

Huno zwino tshithu tshi kanukisaho ndi tsha uri riñe madekwana ano, sa vharereli vha Mudzimu, tshifhingani tshino tshire ra khou tshila khatsho, ri wana mihibulo minzhi yo fhambanaho ya vhathu. Huno hu tshi di vha na mihibulo yo fhambanaho nga ha tshithu, hu tea u vha na mbudziso dzo fhambanaho; hu tea u vha na phindulo nthihi ya ngoho ya mbudziso iñwe na iñwe i no vhudziswa.

Arali ndo vha ndi tshi nga vhudzisa mbudziso, “Itshi ndi mini?”

“Zwo ralo,” vho vha vha tshi ḍo ri, “ndi desiki.”

“Yo itelwa mini?” Ni a vhona?

<sup>12</sup> Zwino, heneffo, muñwe a nga kha di ri, “A si desiki. Ndi bodo.” Zwino, ndi bodo, fhedzi naho zwo ralo ndi desiki. Ni a vhona, hu tea u vha na phindulo ya vhukuma yayo.

Huno arali ndi tshi nga vhudzisa mbudziso nga ha tshiñwe, hu tea u vha na phindulo ya ngoho. Hu nga kha di vha na tshiñwe-vho tshi re tsini hayo; fhedzi hu tea u vha na ya ngoho, phindulo yo livhanaho na mbudziso iñwe na iñwe. Ngauralo, zwo ralo, kha mbudziso iñwe na iñwe ine ya ḫa matshiloni ashu, hu tea u vha na phindulo ya ngoho, ya vhukuma.

<sup>13</sup> Huno zwino, ḥamusī, ri pfa—pfa hu tshi pfi, vhunzhi ha vhatu vhashu lifhasini ḥamusī... .

Sa murumiwa, ndo no fara nyendo dzi vhaleaho seli ha lwanzhe na u mona na lifhasi, ndo no vha na vhukwamani na vhurereli vhunzhi ho fhambanaho, vhu no nga ha Buddha, na Muhammed, na Sikhs, na Jains, na vhuñwe-vho, vhurereli ha lifhasi. Huno-ha fhano kha United States lashu; na kha mañwe mashango a sili, ndi ḥangana na zwivhidzo zwashu zwoṭhe zwe fhambanaho, vhunga zwivhidzo zwashu zwa dinomineisheni, u thoma nga Roma Kaṭoliki ya u ranga, huno ha tevhela ya Gerika, na dziñwe-vho, na o—o fhambanaho maitele, huno ra tsela kha... zwifhinga zwoṭhe zwa dinomineisheni, zwa dinomineisheni dzo fhambanaho dla Protestante dla mađana a ṭahe na zwithu.

Zwino, iñwe na iñwe yadzo, ngauri, no vha ni tshi nga kona u vhona muhumbulo wadzo, huno-ha a thi koni u dici vhona mulandu. Iñwe na iñwe i ḥanziela uri ndi ya ngoho, vha na ngoho. Huno vhatu vhane vha vha mirađo ya izwo zwivhidzo vha tea u zwi tenda, ngauri vho fhaṭa havho—havho vhuyo, havho vhuyo ha Lini na lini, ntha ha pfunzo ya itsho tshivhidzo. Huno dzo fhambana kule, u bva kha iñwe u ya kha iñwe, u swikela hu tshi vha na mbudziso dzo fhambanaho dici pađaho mađana a ṭahe.

Ngauralo, dici mbudziso dzo fhambanaho dici pađaho mađana a ṭahe, hu tea u vha na Phindulo nthihi ya vhukuma. Huno ndi do tama uri riñe madekwana ano, ri vhane vha khou lingedza u ya Ṭađulu, na u ḥangana na Murena Yesu washu Ane roṭhe ra mu funa, ndi do tama u thenda Mañwalo u wana ḥenelo.

<sup>14</sup> Zwino, arali i mbudziso i kwamaho Bivhili, zwenezwo i tea u vha na phindulo ya Bivhili. A yo ngo tea u bva kha tshigwada tsha vhatu, i bvaho kha iñwe khuvhangano, kana kha muñwe mudededzi, kana kha iñwe dinomineisheni. I tea u bva tshothe kha Luñwalo, hune ha vha fhethu ha u ḥangana na Mudzimu, ha vhurereli. Huno zwa vhukuma, e Mudzimu, hu na fhethu huñwe-vho ha u ḥangana, hune A ḥangana.

<sup>15</sup> Zwino, ri wana zwauri hafha kha Doiteronomio hafha, u rangani, Mushe a tshi bula hafhu Luñwalo, zwithu zwe a vha vhudza; nga ndila ye A vha bvisa nga tshanda tshihulwane, tsho khwaṭhaho, kha la Egipita, huno o ranga nga u vha khwaṭhisa.

Vho vha vha tshi vhidzwa “vhatu vha Mudzimu” u swikela vha tshi bva kha la Egipita, huno zwenezwo vha vho vhidzwa “tshivhidzo tsha Mudzimu.” Ngauri, tshivhidzo ndi khuvhangano, kana, zwa vhukuma, tshone *tshivhidzo* tshi amba “vho vhidzwaho,” avho vho vhidzelwaho nda. Huno vho bva kha la Egipita, uri vha kone u vha tshivhidzo.

<sup>16</sup> Zwino Mudzimu o vha vhudza, musi vha... phanda ha musi vha tshi fhaṭa thembele na zwiñwe-vho zwe vha ita, “Ndi do nanga fhethu ha vhurereli Hanga, huno Ndi do vhea Dzina

Langa ngomu haho.” Huno heneffho ndi hone fhethu hu hoṭhe hune Mudzimu a do vhuya a ḥangana na muthu muṇwe na muṇwe, zwo vha hone nga u ḫinangela Hawe. O nanga fhethu Hawe. Huno he A nanga fhethu Hawe, O vhea Dzina Lawe. Ndimana ya 2 afha i ri vhudza zwauri, “U do vhea Dzina Lawe ngomu fhethu he A hu nanga uri vhatu vha Mu rerele vhe hone.” Zwino, tshine tsha vha hone ndi uri, ri ḥoda u wana uri fhethu afho ndi ngafhi.

<sup>17</sup> Hu na mihibulo yo fhambanaho i padaho mađana a ṭahe na zwithu, hu uri ri khou fhira nga thungo ha vhurereli hoṭhe ha vhuhedeni, ri tshi khou sokou diambela nga ha vhurereli ha Tshikriste. Zwine, nda pfela vhahedeni, kana zwa vhukuma ndo vha ndi sa do ya henengei nda amba navho. Fhedzi, vha na vhukhakhi. Vhukriste ndi hone vhurereli vhu hoṭhe ha ngoho, ndi Vhukriste. Huno a thi khou amba izwo hu si ngauri nne ndi Mukriste; ngauri, ndi tenda zwauri iyo ndi Ngoho. Ndi hone vhurereli vhu hoṭhe ha ngoho.

<sup>18</sup> Ndo vha ndi tshaloni tshine bere tshena ya ḥadulwa nga murahu ha awara nna dziñwe na dziñwe. He, Mohammad, tshifhe muhulu na—na murangaphanda a tevhelaho Kristo, o dzhiwaho e muporofita, huno, a thi timatimi zwe a vha e zwone, zwenezwo nga murahu ha vharathu vha Maccabee. Fhedzi musi vha... O lovha. O amba zwauri u do vuwa hafhu nahone a kunda lifhasi loṭhe. Zwino, musi awara nna dziñwe na dziñwe dici tshi ḥodou fhela vha dženisa vhañwe vhalindi, huno vha vhea bere tshena kha tshalo tshawe. Vho ralo, lwa miñwaha ya zwigidi zwivhili, vha tshi khou lavhelela zwauri u do dovha a vuwa a kunda lifhasi. Fhedzi ni a vhone...

<sup>19</sup> Huno iyani kha Buddha; Buddha o tshila miñwaha minzhi ya mađana, miñwaha ine ya ḥodou swika zwigidi zwivhili na mađana mararu yo fhiraho, mudzimu wa—wa Japan. Huno ngauralo o vha e mudzia-u-elekanya, u fana na Confucius, na vhañwe-vho.

Fhedzi havha vhoṭhe, kha...vharangi, na vhañwe-vho, vhone vhoṭhe vho lovha vhe na ngelekanyo dzavho, huno vho swiṭwa nahone vha tshaloni.

Fhedzi Vhukriste, ho simulwaho nga Yesu Kristo, hu na tshalo tshi si na tshithu. O vha Munna e eṭhe we a vhuya a ima kha lifhasi, huno a tshila a ri, “Ndi na maanda a u vhea vhatshilo Hanga fhasi nda dovha nda vhu dzhia.” Huno O zwi ita. Huno U a tshila ḥamusi.

Huno ri a zwi divha zwauri U a tshila, ngauri U na riñe nahone U ḫitānzielēla nga zwiga zwi vhonalaño na madembe, zwe A fulufhedzisa uri U do zwi ita uri a zwi sumbedze. Nga maandamaanda, u fana na Khavhu ya Mulilo ye ya ranga phanda vhana vha Israele sogani, i na riñe ḥamusi, nahone na tshifanyiso Tshayo tsho dzhiwa; i tshi khou ita zwiga na madembe e A

fulufhedzisa uri I do ita tshifhingani tshino, ri tshi vhona Maipfi othe e A a fulufhedzisa a tshi khunyeledzwa tshifhingani tshino. Ngauralo, lifhasi lothe la vhuhedeni lo khakha. Vhukriste ndi hone ha ngoho!

<sup>20</sup> Zwino, ngauri hu na mbudziso dzi no pada madana a ḥahe na zwithu nga ha hune Mudzimu a ḥanganiwa nae, "U ḥangana na vha Methodisi, kana U ḥangana kha Baphuthisi, nahone U ḥangana ngomu kha *hetshi*, na kha *hetshila*, na kha *tshinwevho*." Zwino, hu na mbudziso henefho, ngauralo muñwe na muñwe u tea u wana u tshidzwa hawe nga nyofho na nga u tetemela.

Fhedzi madekwana ano ndi ḥoda u lingedza u wanulusa, nda dovha nda sumbedza nga Luñwalo, fhetu honehone hume Mudzimu a ḥangana a dovha a rerela na vhatu. Huno, arali hu hone, henefho ndi hone fhetu hu hothe hune A do vhuya a ḥangana.

<sup>21</sup> Zwino, ro dzhia heyi thero kha Doiteronomio. Ndi ipfi la Tshigerika line la vha na nyambahuvhili, kana, li amba, "milayo mivhili." Ipfi la Tshigerika, *Doiteronomio*, li amba "milayo mivhili yo fhambanaho."

Huno hezwo ndi zwone-ha zwine Mudzimu a vha nazwo, milayo mivhili yo fhambanaho. Huno muñwe wayo ndi mulayo wa lufu, huno muñwe ndi mulayo wa Vhutshilo. Mudzimu u na milayo mivhili. U Mu tevhela, na u Mu shumela na u Mu rerela, ndi Vhutshilo; u Zwi hana ndi lufu. Hu na milayo mivhili kha Mudzimu.

<sup>22</sup> Zwino, muñwe wa iyo milayo wo vhona-... wo itwa uri u vhonale kha shango, kha Thavha ya Sinai. Mudzimu o nea Mushe na Israele mulayo. Hu si uri mulayo wo vha u tshi do kona u vha thusa lini, fhedzi mulayo wo tou vha sumbedza urī vho vha vhe vhatazwivhi. U swika nga itsho tshifhinga, vho vha vha sa ḥivhi urī tshivhi ndi mini, u swikela vha tshi wana mulayo. Hu nga si kone u vha na mulayo hu si na thamu. Mulayo a si mulayo, hu si na ḥamu. Ngauralo, zwo ralo, "U pfuka mulayo ndi tshivhi, huno mulifho wa tshivhi ndi lufu." Ngauralo zwo ralo, u swika Mudzimu a tshi vha itela mulayo, ho vha hu si na u pfuka mulayo he vha vhetshelwa hone.

Arali fhano hu si na mulayo une wa ri ni nga si kone u gidima maela dzi fhiraho fumbili nga awara, zwenezwo ni nga kona u gidima maela dzi fhiraho dza fumbili nga awara. Fhedzi musi hu na mulayo u no ri ni songo zwi ita, zwenezwo hu na mulayo na thamu i u fhelekedzaho.

<sup>23</sup> Zwino, lufu, mulayo wa lufu, wo vha ndaela yo newaho kha Thavha ya Sinai, ye ya vhudza muthu zwauri o vha e muitazwivhi. Huno, a pfuka mulayo wa Mudzimu, o lovha. Fhedzi a hu na u tshidzwa ngomu ha mulayo. Ndi... Wo vha u

tshi tou vha pholisa line li nga kona u ni dzenisa khothoni; li si na tshine li nga kona u ni vhofholola ngatsho.

Fhedzi zwenezwo O mbo nea muñwe mulayo, ho vha hu kha Thavha ya Tshifhambano, he tshivhi tsha vhalelwa kha Yesu Kristo, huno heneffo mulandu wa lixwa. Huno hu si nga... Hu si nga mulayo, “fhedzi no tshidzwa nga tshilidzi,” nga tshilidzi tsha Mudzimu, ngauri Mudzimu a ni ta nge a ni divha ni sa athu vha hone.

<sup>24</sup> Zwino ri vhona heyi milayo mivhili, Doiteronomio, i tshi amba nga ha milayo mivhili. Ho vha hu na milayo mivhili. Muñwe wo vha u mulayo wa lufu, muñwe u mulayo wa Vhutshilo.

<sup>25</sup> Ho vha na milanga mivhili yo newaho vhathu. Ri khou ya u amba nga hayo nga matsheloni.

Muñwe wayo wo newa Adamu hu na zwi teaho u swikelwa, “arali na ita *hetshi* na litsha u ita *hetshila*,” fhedzi uyo mulayo wo pfukwa. Adamu, Efa o u pfuka, tsimuni ya Edeni.

Zwenezwo Mudzimu a ita mulanga wa vhuvhili, huno a u nea Abrahamu, huno uyo mulayo wo vha u si na zwine zwa tea u swikelwa. “A si zwe na ita kana zwine na do ita;” O ri, “Ndo no di zwi ita.” Ndi tshilidzi. Hoyo ndi mulayo wa Vhutshilo. Mudzimu o itela Abrahamu hezwo khathihi na Mbeu yawe ine ya do mu tevhela, hu ambiwa, Mbeu ya Abrahamu yote.

Samusi Bivhili yo amba, “Vhaisraele vhothe vha do tshidzwa,” fhedzi hezwo a zwi ambi Vhayuda. Sa zwe Paulo a amba a ri, “Israele wa nga ngomu, kana Israele wa nga nn̄da.” “Wa nga nn̄da,” sa zwe ra amba nga hazwo vhula vhusiku, ho vha hu vhana vha Isaka, nga mbeu. Fhedzi mulayo wa Mudzimu wo da nga Kristo, we a vha e Mbeu ya Vhukololo ya Abrahamu, zwauri, “nga tshilidzi Vhaisraele vhothe who tshidzwa.” Zwauri, “Vhothe vha re kha Kristo who tshidzwa,” vhothe, mulanga wa Mudzimu wa vhuvhili. Fhedzi hezwi zwithu zwothe zwe vha zwi murunzi wa Kristo.

<sup>26</sup> Zwino dzhiani nzhele kha ndimana ya 2. Ndimana ya 2 hafha kha Doiteronomio 16, “Rerelani fhethu he Nda hu nanga.” Zwino ni fanela u rerela Mudzimu, O ri, “Ngomu fhethu he nda hu nanga,” hu si he muñwe-who a hu nanga, fhedzi, “he Nne nda hu nanga.”

Zwino, arali Mudzimu o nanga fhethu, zwe ri tea-ha u wana zwe A amba nga hao. Huno ndi ngafhi heneffo? Ndi toda u hu wana, ngauri, zwa vhukuma, ndi toda u Mu rerela.

Rothe ri hone fhano, madekwana ano, u Mu rerela. Ro dzula fhano madekwana ano, sa Mumethodisi, Mubaphuthisi, Mukatolika, Thanzi ya Yehova, Saintsya Vhukriste, na vhothe, fhedzi rothe ri khou toda tshinwe tshithu.

Ri ṭodou ḋivha Ngoho. Bivhili yo ri, “Ni ḍo ḋivha Ngoho, huno Ngoho i ḍo ni vhofholola.”

Muňwe muthu, ni nga si ḋivhe tshine na khou ita, a ni ḋivhi uri ni nga tshi ita hani u swikela ni tshi ḋivha uri ni ḍo tshi ita hani; a ni ḋivhi tshine na fanela u ita, u swikela ni tshi ḋivha uri tshi itwa hani, nga u tou ralo. Ni fanela u ḋivha tshine na khou ita na uri tshi itwa hani.

<sup>27</sup> Hezwi zwi ri sumbedza uri Mudzimu u na hune a ḥangana hone na vhane vha Mu rerela, fhethu huthihi ha ngoho. Ngomu heneffho fhethu, fhedzi, Mudzimu u ḥangana na vhane vha Mu rerela.

<sup>28</sup> Zwino, hafhu, fhethu he A hu nangela vhane vha Mu rerela, O fulufhedzisa zwauri U ḍo vhea Dzina Lawe. Zwino kha ri ṭodisise nahone ri wanuluse, nga Luňwalo, hune fhethu afha ha vha hone. Zwa vhukuma, arali Mudzimu o ri U ḍo vhea Dzina Lawe ngomu afha fhethu he A hu nangela u ḥangana na vhathu a dovha a rerela navho... kana vhone vha Mu rerela, nga u tou ralo, zwauri zwi huňwe fhethu Bivhilini, ngauri zwe vha zwa zwikhathi zweṭhe.

<sup>29</sup> Huno Mudzimu muhulu a sa shandukiho ha koni u shanduka. Muthu u a shanduka. Fhedzi ni nga vhea vhutshilo hanu kha tshiňwe na tshiňwe tshe Mudzimu a vhuya a amba tshifhinga tshiňwe na tshiňwe, ngauri ndi Ngoho. Ndi Ngoho. Ngauri, ndi tshone tshi tshoṭhe tshire ndi nga vhea fulufhelo khatsho, ndi Bivhili. Ngauri, ipfi la muthu li ḍo kundelwa, fhedzi Mudzimu ndi muhulwane.

Naňwaha ndi tea u ḋivha zwinzhi u fhira zwe nda zwi ḋivha mahola. Na inwi ni tea, u ralo-vho, ḋuvha na ḋuvha. Riňe ri na magumo, ngauralo nđivho yashu i a engedzea.

Fhedzi Mudzimu ha na magumo. Ha na magumo. Huno, o ralo a si na magumo, Ha koni u dovha a wana nđivho. Ha na tshiňahe, zwine ra nga thoma ngazwo. Tsheo inwe na inwe i fanela u vha i si na tshiňahe.

<sup>30</sup> Huno ndila ye Mudzimu a ita zwithu ngayo tshiňwe tshifhinga, Û tea u ita nga u tou ralo misi yoṭhe, kana arali zwi songo ralo O ita zwithu nga ndila i si yone musi A tshi ita lwa u thoma. Arali muthu a tshi da kha Mudzimu uri a tshidzwe, o ḋitika nga ndila ye A mu ḥanganedza ngayo, zwi tea u ḥanganedza ngauralo misi yoṭhe. Ndi zwone. Arali muthu a tshi da kha Mudzimu uri a wane phodzo ya Muya, huno Mudzimu a vha o mu ḥanganedza o ḋitika nga zwiňwe; muňwe a da, U tea u mu ḥanganedza nga ndila yo raloho, kana arali zwi songo ralo O khakha musi A tshi ḥanganedza muthu wa u thoma. Mudzimu o vhekanya ndila ine A ḍo ḥangana na muthu ngayo. O ita ndila ya uri U ḍo ita mini, U ḍo zwi ita hani, huno ndi nga kha malofha a tshiňhavhelo tsha ngwana tsimuni ya Edeni. Mudzimu ha athu, na ḋuvha na lithihi, a vhuya a zwi shandukissa.

<sup>31</sup> O vhekanya uri U do tshidza hani muthu. Namusi ro lingedza u gudisa muthu nga hazwo; ro lingedza u vha dzenisa tshikolo, ro lingedza u vha gudisa, ro lingedza u vha ita mirado ya dinomineisheni, ro lingedza u ita zwithu izwi zweithe zwe fhambanaho; ra vha disa nga ngomu, ra vha dzungudzela ngomu, ra vha lovhedzela ngomu, nga ndila inwe na inwe i re hone, ra vha dzenisa ngomu nga manwalo. Fhedzi zwi tshee zwe ralo, zwi kha di fana, Mudzimu u tangana na muthu nga fhasi ha Malofha o shululwaho a Ngwana. Malofha o vha ndila ya Mudzimu u rangani, na madekwana ano Malofha a kha di vha ndila ya Mudzimu. Ndi zwavhuđi u ita zwa thembuluwo na hezwi zwithu zweithe, fhedzi u tshidzwa hu da fhedzi nga Malofha. Malofha ndi yone ndila i yothe ye Mudzimu a i nanga uri a tshidze muthu ngayo, huno A nga si kone u i shandukisa.

<sup>32</sup> Yobo o vha e na tshenzhemo yo raloho. O zwi divha zwauri o luga, ngauri o vha o nekedza tshi—tshiňhavhelo tshe Mudzimu a tshi ſoda khae.

<sup>33</sup> Zwino, kha ri ſodisise zwino uri ri vhone uri fhethu afha ndi ngafhi, na fhethu he A vhea Dzina Lawe. Ri khou ya u wanulusa he A vhea Dzina Lawe. Zwenezwo, arali ri tshi wanulusa uri Dzina la Mudzimu ndi lifhio na he A li vhea, zwenezwo ri na fhethu ha vhurereli musi ri tshi wana hezwo.

Zwithu hezwi zweithe, zwa vhukuma, zwe vha zwi mirunzi ya zwithu zwi no do da. Milayo yothe yo vha i mirunzithangeli ya zwine zwa do da.

<sup>34</sup> U fana na, nwedzi ndi murunzi wa duvha. U shuma musi duvha li siho, u fana na Tshivhidzo tshi tshi tea u shuma Mu-r-w-a wa Mudzimu a siho. Murwa a siho, Tshedza tshiňuku, Tshivhidzo, vhatendi, vha shumela Mudzimu vha dovha vha nea Tshedza Murwa a siho. Fhedzi musi duvha li tshi ſavha, a ni tsha dovha na vhone nwedzi, ngauri u vha wo wela. A u tsha ſoda tshedza tshaļo lini, ngauri u wana fhedzi tshedza tshawo lwa tshipidanyana, tshi tshi bva kha duvha. Zwino, u fana na munna na mufumakadzi, ndi zwine duvha na nwedzi zwa vha zwone, Tshivhidzo na Kristo.

<sup>35</sup> Zwino ri wana, zwauri, hezwi zwithu ndi murunzi wa Kristo. Tshithavhelo tshiňwe na tshiňwe, tshimima, na zweithe zwi re kha Testamente Ndala, zwe vha zwi murunzi wa Kristo; u fana na murunzi u tshi pfukekanya fhasi. Zwino hafha ndi hone hune ra khou ya u wana fhethu honehone ha vhurereli, ndi u ya murahu afha kha Testamente Ndala he ha newa huno ri vhone uri izwi zwithu zwe vha zwi mini.

<sup>36</sup> Zwino, musi murunzi u tshi pfukekanya fhasi, ni nga bula uri ndi munna, mufumakadzi, kana phukha, kana tshiňwe-vho tshire tshi nga vha tshone, ngauri murunzi watsho u wela fhasi. Huno musi uyo murunzi u tshi ſukufhala, murunzi wone u negethivi; huno hu nga si kone u vha na negethivi hu si na

phosethivi. Ngauralo-ha, musi phosethivi i tshi sendela tsini ha negethivi, negethivi i mbo milwa ngomu kha phosethivi. Murunzi na—na phosethivi zwi a ḥangana, huno zwenezwo ndi zwone zwine zwa u ita phosethivi.

Huno arali “zwithu zweṭhe zwa kale,” Bivhili yo amba, “kha Testamente Ndala, zwo vha zwi mirunzi ya zwithu zwine zwa kha di ḏa,” zwenezwo ngauralo Kristo o vha e murunzi wa zwithu zwi no ḏo da.

<sup>37</sup> Ngauralo ri kona u vhona, nga zwifanyiso zwa Testamente Ndala he A nanga u vhea Dzina Lawe, na u...zwa zwino. Zwino, sa zwine murunzi wa vha, musi u tshi pfukekanya fhasi, ndo ralo, u negethivi, u tshi tou vha tshifanyiso. Ngauralo rine, vharereli, ri kona-who u vhona mirunzi ya Testamente Ndala i tshi ngalangala kha phosethivi ya Ntswa.

<sup>38</sup> Zwino, zwimima zweṭhe, holodei dzoṭhe, thaberenakele dzoṭhe, thanda dzoṭhe, tshińwe na tshińwe ngomu ha thaberenakele, tshińwe na tshińwe tsho fanyisa Kristo. Zwīṭhavhelo zweṭhe, milayo yoṭhe, tshińwe na tshińwe tsho vha tsha u fanyisa Kristo. Ro no guda nga hazwo, u dovha na u dovha, fhano thaberenakeleṇi.

Zwenezwo ri vhona, nga hezwi, zwauri ndaela iñwe na iñwe ya lutendo, tshivhidzo, na dinomineisheni zwi sala murahurahu. A zwiho mbambeni, na kathihi. Ndaela iñwe na iñwe ya lutendo, tshivhidzo tshińwe na tshińwe, dinomineisheni iñwe na iñwe, zwi sala nnđa tshoṭhe. A hu na fhethu hazwo na kathihi.

<sup>39</sup> A hu na tshithu tsho fanyiswaho kha Testamente Ndala, kana huńwe-who Bivhilini, tsha tshivhidzo, nga nnđa ha vhuthihi he ha tou kombetshedzwa ha thawara ya Babele. Ndi tshone tshithu tshi tshoṭhe tshire tsha fanyisa vhuthihi. Ngauri, ho vha hu nga Nimrod, munna muvhi we a bva a kombetshedza mashango maṭuku oṭhe u ḏa fhethu huthihi na kha thawara heyi khulu. Ho vha hu u ḥuvha ha vhurereli, zwa vhukuma, fhedzi vhu songo ḫitikaho ngomu kha Ipfi la Mudzimu. Ngauralo heneffo ndi hune na vhona vhurereli ha dinomineisheni ho fanyiswa, thawara ya Babele, kha Testamente Ndala. Vhune, hovhu vhurereli zwa vhukuma ho vha hu vhurereli, fhedzi vhu si vhurereli ha Ipfi la Mudzimu.

<sup>40</sup> Mudzimu ho ngo nanga u vhea Dzina Lawe kha dinomineisheni ifhio na ifhio. Ndi khou ḫoda Luńwalo lu tikedzaho ḥenelo, arali zwo ralo. Ndi a zwi ḫivha zwauri vha zwi dzhia ūri O ita nga u tou ralo, fhedzi Ho ngo ita ngauralo. Ha koni u vhea Dzina Lawe fhethu hunzhi, ngauri O amba zwauri O vhea Dzina Lawe fhethu huthihi. Huno, afho fhethu huthihi, iñwe na iñwe ya dinomineisheni dzashu i ḫoda ūri ndi yone afho fhethu, fhedzi a zwo ngo ralo.

Fhedzi ndi ngafhi he A vhea Dzina Lawe?

<sup>41</sup> Zwino, huno, Ene, ndi lifhio Dzina Lawe, tsha u ranga? Ri do tea u (Dzina) wana uri Dzina la Mudzimu ndi lifhio phanda ha musi ri tshi nga kona u wana uri ndi mini tshiné A khou vhea afho fhethu.

Zwino, ri wana zwauri U na maimo manzhi. U vhidzwa... O vha a tshi vhidzwa "Khotsi," zwine zwa vha vhuimo. Nahone O vha a tshi vhidzwa "Murwa," zwine zwa vha vhuimo. O vha a tshi vhidzwa "Muya Mukhethwa," zwine zwa vha vhuimo. "Phendephende ya Govha," vhuimo, "Naledzi ya Mutsho." "Jehovah-jireh, Jehovahrapha," a re madzinambumbano, a sumbe o fhambanaho, a u rengulula, huno-ha othe o vha e maimo. Othe o vha a si madzina.

Fhedzi U na Dzina.

<sup>42</sup> Musi A tshi tangana na Mushe, O vha a sa athu u vha na Dzina lini, huno O vhudza Mushe, "NDI ANE A VHA ENE." Huno musi ri tshi vhona Yesu lifhasini, a tshi amba kha Vhaheberu ndimani ya 6...kha ndi farelwe, Yohane Mukhethwa ndimani ya 6. O ri, "NDI ANE A VHA ENE."

Vha ri, "Mulandu, U Munna a sa athu fhira miñwaha ya fuñhanu, huno u ri Wo 'vhona Abrahamu'?"

<sup>43</sup> A ri, "Musi Abrahamu a sa athu u vha hone, NDO VHA NDI HONE." Huno "A RE HONE" o vha e Ene, tshitaka tshi swaho, Khavhu ya Mulilo ye ya vha i ngomu kha tshitaka tshi swaho murahu mađuvhani a Mushe, ene "NDI ANE A VHA ENE."

<sup>44</sup> Huno zwino ri wana zwauri Yesu o ri, nahone, "Ndo da Dzinani la Khotsi anga, huno Nne a no ngo ntanganedza." Zwenenezwo, Dzina la Khotsi li tea u vha Yesu. Ndi zwone. Dzina la Khotsi ndi Yesu, ngauri Yesu o ralo. "Nne ndi hwala Dzina la Khotsi Anga. Ndi da Dzinani la Khotsi Anga, huno Nne a no ngo ntanganedza." Zwenenezwo, Dzina Lawe lo vha li Yesu.

Huno Gabriele o Mu vhidza Yesu, vhaporofita vho Mu vhidza Yesu, huno zwi khagala uri O vha e Yesu. Phanda ha mabebo Awe, na muporofita mukhethwa o ri Dzina Lawe ndi Imanuele, zwine zwa amba uri, "Mudzimu u na riñe." Zwenenezwo, "Mudzimu o dzumbululwa ñamani, uri a kone u dzhia tshivhi tsha shango," huno, nga u ita ngauralo, O newa Dzina la Yesu. Ngauralo, Yesu ndi Dzina.

Huno Dzina lo vhewa ngomu ha Muthu; hu si tshivhidzo, hu si dinomineisheni, hu si ndaela, fhedzi Muthu! O nanga u vhea Dzina Lawe kha Yesu Kristo. Zwino ri wana zwauri zwenenezwo U vha fhethu ha vhurereli ha Mudzimu, hune na Mu rerela.

<sup>45</sup> Phanda ha musi A tshi bebwá, Dzina Lawe lo vhidzwa Yesu. Lo vha li la ndeme nga maanda, lo newa mme Awe nga Muruñwa Gabriele, zwauri Dzina Lawe li do pfi "Yesu, Murwa wa Mudzimu," zwe A vha e zwone.

<sup>46</sup> Khelo ri nalo, zwino. Heli ndi lone, li lothe. Ndi lone, Lawe fhedzi, fhethu he Mudzimu a hu nangela vhurereli. Fhethu ha Mudzimu, o nanga. Mudzimu o nanga u ḥangana na muthu; ho vha hu si tshivhidzoni, hu si kha dinomineisheni, hu si ndaela ya lutendo, fhedzi kha Kristo. Ndi hone fhethu hu hothe hune Mudzimu a do ḥangana na muthu, huno a nga kona u rerela Mudzimu, kha Kristo. Ndi hone fhethu hu hothe. A zwi na ndavha arali ni Mumethodisi, Mubaphuthisi, Mukaṭolika, Muprotestant, naho ni tshi nga vha mini, hu na fhethu huthihi hune ni nga kona u rerela Mudzimu zwavhuđi, ndi kha Kristo.

Vharoma 8:1, yo ri, "Zwino atsina a hu tshe na u laṭwa kha havho vha re kha Kristo Yesu, vhane vha si tshimbile lwa ḥama, fhedzi vha tshimbila lwa Muya." Hayo ndi Mafhungo madifha.

<sup>47</sup> Ri nga fhambana kha ndaela dza lutendo. Ri nga fhambana kha pfunzo dzo itwaho nga vhathu. Ni nga kha di ya kha tshivhidzo tsha Methodisi, ni tea u vha Mumethodisi; Mubaphuthisi, Mubaphuthisi; Mukaṭolika, Mukaṭolika. Fhedzi musi no no lovhedzelwa kha Kristo, nahone no no vha murado wa Muvhili Wawe, a hu tshe na phambano. Mbondo dza vhukati dza khethekanyo dzo kwashiwa huno no vhofholowa, ngauri ni kha Kristo Yesu. Huno ni rerela Mudzimu ni Muyani na kha Mafhungongoho musi ni kha Kristo Yesu. Ndi nzudzanyo ya Mudzimu yo itelwaho inwi uri ni kha Kristo Yesu.

<sup>48</sup> Zwino, a hu na tshivhidzo tsha dinomineisheni ine i nga ri hezwi ndi zwayo, a hu na ane a nga ri hezwo ndi zwawe. Ni nga lingedza hani uri zwo ralihlo ndi zwanu? U ita tshithu tsho ralohu do vha hu mya wa mulwanakristo, ni tshi ḥusa kha Kristo; u dzhia Khae. A no ngo tea u ita nga u tou ralo lini. Kristo ndi ene fhethu hu hothe hune Mudzimu a ḥangana na vharereli.

<sup>49</sup> Vha ri, ḥamusi. Ndo vha na vhathu vhe vha mmbudza. A si kale muñwe munna o mmbidza, Beaumont, Texas. O ri, "Vho-Branham, arali dzina ḥavho li siho buguni yashu ya tshivhidzo, vha nga si kone u ya Ṭadulu." Ni nga vhuya na elekanya zwithu zwo ralihlo? Ni songo tenda tshithu tsho ralohu. Vha elekanya zwauri ni tea u vha wa tshiñwe tshivhidzo zwa sa ralo ni nga si kone u ya Ṭadulu. Zwo khakhea. U tenda hezwo, ndi u vha mulwanakristo. Ndi do amba heli: arali ni tshi tenda myua wo ralohu, no xela. Heyo ndi tsumbo yavhuđi ya uri no xela, ngauri zwi khou ḥusa kha zwe Mudzimu a ita. Mudzimu ho ngo vhuya a vhea Dzina Lawe ngomu kha tshiñwe tshivhidzo. O Li vhea kha Murwa Wawe, Kristo Yesu, musi Ene na Murwa Wawe vha tshi vha Vhathihi. Hafho ndi hone fhethu ha vhukuma ha vhurereli. A hu na miñwe mitsheđo yo vhewaho, a hu na ḥinwe tombo.

Kha Kristo, Tombo li sa dzinginyei, ndo ima;  
Huñwe fhethu hothe ndi muñavha u  
mbombomelaho.

Dinomineisheni dzi do piđimuwa nahone dza wa, tshaka dzi do fhira, fhedzi Ene u do dzula e hone u ya nga hu sa fheli. A hu na huňwe fhethu hune muthu a nga hu wana, ha u rerela Mudzimu, hune Mudzimu a do dovha a amba nae, a hu na fhethu arali hu si kha Kristo Yesu. Ndi hone fhethu hu hothe, ndi hone fhethu hu hothe he Mudzimu a dinangela u vhea Dzina Lawe, nahone fhethu hu hothe hune A ţangana na muthu, u rerela. No xela, arali ni tshi tenda tshiňwe-vho.

<sup>50</sup> Dzhielani nzhele, zwimima zweithe zwa sumbe zwa Vhayuda zwe itwa fhethu huthihi. A vho ngo vhuya vha ita tshimima tshithihi *hafha* tsha Mumethodisi, na tshiňwe *fhala* tsha Mubaphuthisi, tshiňwe *hangei* tsha Mupuresibiteriani, tshiňwe *hangeno* tsha Mukačolika, na tshiňwe tsha Muprotestant. Zweithe zwimima zwa sumbe zwe itwa fhethu huthihi.

<sup>51</sup> Ndi tshifanyiso tshavhudzi nga maanda hafha. Ro no guda nga ha Zwifhinga zwa Sumbe zwa Tshivhidzo, ri khou ya u sumbedza zwauri Mudzimu u vhulunga Zwifhinga zweithe zwa Sumbe zwa Tshivhidzo kha Ipfi, ngauri tshifhinga tshiňwe na tshiňwe tsha tshivhidzo tsho bveledza tshipida tsha Ipfi, huno tshifhinga tshothe musi vha tshi tshi bveledza nahone vha vhona Tshedza.

U tou fana na vhatu vho tumbulaho u lovhedza Dzinani la Yesu. Vho ita mini? Vho vhumba dinomineisheni ngaho, huno yo mbo fa henehfo. Zwenezwo Mudzimu a mbo bva a shumisa muthu zwawe. A nga si kone u dzula kha idzo ndaela dza lutendo na pfunzo. Ha na mushumo nazwo. A hu na tshi si tsha ngoho malugana na Mudzimu. Ipfi la Mudzimu ndi likhethwa, a lo ngo vanganya. Kristo ndi ene vhupo ha vhurereli ha Mudzimu. Ndi ene Mudzimu.

<sup>52</sup> Minyanya yothe ya sumbe i tea u itelwa hafha fhethu huthihi. No vha ni si nga koni u ita munyanya huňwe fhethu-vho. Fhedzi yone ya sumbe, fhethu... Minyanya ya sumbe ya nwaha i tea u itwa fhethu huthihi. Ngauralo, Zwifhinga zwa Sumbe zwa Tshivhidzo two tea u bva fhethu huthihi, uyo o vha e Kristo a tshi khou amba Zwifhingani zweithe zwa Sumbe zwa Tshivhidzo. Hezwo ndi zwone zwa vhukuma. Ndi tshifanyiso, tsha Zwifhinga zwa Sumbe zwa Tshivhidzo, fhedzi vho ita dinomineisheni ngazwo.

<sup>53</sup> Zwino kha ri sedze tshiňwe tshifanyiso musi ri tshi kha di vha henehfa, hetsho ndi, tshifanyiso tsha paseka, tshe tsha vha tshi murunzi wa Yesu. Hafha ri dzhiela nzhele tshiňhavhelo tsha malofha, nga lufu. Tshiňhavhelo tsha malofha tsho vha tshi fhethu he ha vha hu murunzi wa Kristo. Naa dinomineisheni i nga bva malofha; ni nga elekanya nga ha tshivhidzo tshi tshi bva malofha, dinomineisheni i tshi bva malofha? Na kathihi a zwe ngo ralo. Zwo dzhia malofha, u shuluwa a tshi bva kha vhutshilo. Huno, vhutshilo, hafha ndi Yesu a tshi da sa ngwana.

Ngwana yo vha i tshifanyiso tsha Kristo, huno yo vha i murunzi wa Kristo, ngauri O vha e “Ngwana ya Mudzimu,” we Yohane a mu dīvhadza, “ane a dzhia tshivhi tsha shango.” Ri vhona Yesu a tshi da, hafha kha Ekisodo ndimani ya 12.

<sup>54</sup> Dzhielani nzhele, ndi hone fhethu hu hothe he lufu lu si kone u hu rwa. Musi lufu lwo vha lu tsini na u rwa shango, ho vha hu tshi tea u vha na huñwe fhethu; vhothe vhe vha vhe afho fhethu vho lovha. Fhethu huthihi fhedzi! Zwino, a zwi ambi zwauri ho vha hu nn̄du nthihi fhedzi; fhedzi ho vha hu fhethu huthihi fhedzi, ndi hone he ngwana ya vhulahwa. He malofha a ngwana a vha e hone, muruñwa wa lufu ho ngo kona u hu rwa, ngauri ho vha hu hone fhethu huthihi fhedzi he Mudzimu a vhea Dzina Lawe. Huno iyo ngwana yo newa dzina henengei u rangani, ngwana. Dzhielani nzhele, ho vha hu hone fhethu huthihi he a si kone u hu rwa.

<sup>55</sup> Huno na ñamusi zwe ralo. Hu na fhethu huthihi hune lufu lwa maya lu nga si kone u rwa, ndi Ipfi. Lufu a lu koni u rwa Ipfi, ngauri Ndi Ipfi la Mudzimu li tshilaho.

Fhedzi musi ni tshi Li tanganyisa na dzindaela, Ipfi li a pfuluwa la ima nga Lothe. Li do qifhandekanya vhunga mađi a tshi fhandekana na ołi. A ni koni u zwi tanganyisa. Ngauralo, ni a vhona, musi ndaela dzi tshi dzhena kha dinomineisheni, vhothe vha tevhela ndaela; huno Ipfi li a fa, huno la tuwa na muñwe-vho la dovha la hula Li tshi ya. Li engedza luvhilo, musi Li tshi bva kha u lugisa, u kunakisa, ndovhedzo ya Muya Mukhethwa, na u bvela phanda la dzhena kha Mbeu! Ni a vhona ndila ye Mudzimu a i tshimbila? A tshi disa Dzina Lawe, tshifhinga tshothe, nga ndila yeneyo i no fana, ngauri ndi Ene Ipfi.

Dzhielani nzhele, a Li koni u fa. Ipfi la Vhutshilo li nga si kone u fa.

<sup>56</sup> Dzhielani nzhele uri zwe kwakwana hani, zwino. Muruñwa wa lufu o vha a songo dzivhiswa u rwa vhadziavhuṭali vhahulwane vha Egipita. O vha a songo dzivhiswa u rwa mashango makhethwa alo, zwifhaṭo zwalo zwiulwane, vhavhusi vhało. Kana, vhotshifhe vha shango, muruñwa o vha a songo dzivhiswa u rwa. O vha a tshi nga rwa tshifhaṭo tshiñwe na tshiñwe, fhethu huñwe na huñwe, nnyi na nnyi, fhedzi o vha a sa koni u rwa he ngwana ya vha i hone.

Lufu a lu koni u rwa fhethu hune ho nekedzwaho nga Mudzimu ha vha hone, huno heneffo ndi kha Ngwana.

<sup>57</sup> Dzhielani nzhele, o vha a songo... a songo iledzwa u rwa Israele kana vhotshifhe vhaweha vha Vhaheberu, na, kana iñwe ya dzidinomineisheni dzavho. Zwothe zwe tea u vha fhethu he Mudzimu a hu nanga, a hu nekedza, kana zwa rwiwa nga lufu.

<sup>58</sup> Tshivhidzo, huñwe na huñwe hune na vha hone, tshine na vha murado watsho, kha nne a zwi qisi phambano. Fhedzi, hu na tshithu tshithihi tshine na fanela u tshi dīvha, ni tea u vha kha

Kristo kana no fa. A ni koni u tshila nga nn̄da Hawe. Tshivhidzo tshanu tshi nga vha tsho luga, sa tshifhaṭo; khuvhangano yanu na vhañwe i nga di vha yo luga, sa muthu. Fhedzi musi ni tshi landula Muvhili, Malofha, Ipfi la Yesu Kristo, no fa musi ni tshi ita zwenezwo. Ndi fhethu he Mudzimu a hu nangela vhurereli. Henefho ndi hone hune Dzina Ławe la vha hone, zwa vhukumakuma. Henefho ndi he A hu nangela u vhea Dzina Ławe; hu si tshivhidzoni, fhedzi kha Murwa, Yesu Kristo.

<sup>59</sup> Dzhielani nzhele, tsireledzo yo vha hone fhedzi fhethu he A tou dinangela, kha ngwana Yawe, nahone dzinani la ngwana.

<sup>60</sup> Dzhielani nzhele, ho vha hu ngwana ya “mboho,” ya nduna, hu si ya tsadzi. Hu si tshivhidzo, tsha tshisadzi; fhedzi Dzina Ławe wa munna, hu si la wa musadzi. He A vha a tshi khou ya u ḥangana na vhathu ho vha hu si dzinani la wa musadzi, fhedzi Dzinani Ławe wa munna, Ene wa munna, Ngwana!

<sup>61</sup> Zwino ri ri, “Tshivhidzo, tshone tshihulwane, tshivhidzo tshi re na maanda, tsho ita *hezwi* nahone tsha ita *zwila*. Tsho kala nungo dza madumbu. Ro no engedzea sa vhathu. Ri vhanzhi nga tshivhalo. Ri tshivhidzo tsha maanda. Tshone ndi tshithu tshihulwane.”

Fhedzi Mudzimu ho ngo vhuya a amba tshiñwe tshithu nga ha wa musadzi. O ri, “Ene wa munna.” “Ene wa munna,” ndi ene fhethu ha u ḥangana, Ngwana, hu si tshivhidzo. Hu si dzina la wa musadzi, fhedzi Dzina Ławe wa munna. Ho ngo vhuya a vhea dzina la wa musadzi hunwe fhethu. O vhea Dzina Ławe “Khae wa munna”!

Ndi zwine ngazwo, “Zwoṭhe zwine ra tea u ita, kana nga nyambo kana nga nyito, ri tea u zwi ita zwoṭhe Dzinani la Yesu Kristo.” Arali ri tshi rabela, ri tea u rabela Dzinani la Yesu. Arali ri tshi humbelia, ri tea u humbelia Dzinani la Yesu. Arali ri tshi tshimbila, ri tshimbila Dzinani la Yesu. Arali ri tshi amba, ri amba Dzinani la Yesu. Arali ri tshi lovhedza, ri tea u lovhedza Dzinani la Yesu Kristo. Ngauri, “Zwoṭhe zwine ra ita nga nyambo kana nga nyito, itani Dzinani la Yesu Kristo.”

<sup>62</sup> Nga tshiñwe tshifhinga muñwe o ri kha nñe, ri tshi khou amba nga hazwo, a ri, “Mukomana Branham, mufumakadzi wanga, a thi...” A ri, “Ene, dzina lawe ndi *Mukenenene*.” Ndi mufunzi, a nga kha di vha o dzula fhano zwino. Huno a ri, “Mufumakadzi wanga,” a ri, “u na dzina langa.” Ndi do sokou ri *Jones*, ngauri o vha a si Jones. A ri, “ZWino, ha tei u vuwa matsheloni manwe na manwe, a wana luswielo a ri, ‘Zwino ndi khou swiela fhasi dzinani la Jones, nahone ndi ḥanzwa sambelo dzinani la Jones, huno ndi nama zwiambaro dzinani la Jones.’” A ri, “A thi humbuli uri ni tea u bula dzina na kathihi.”

Nda ri, “Ndi tenda uri ni a ita.” Ndi zwone.

Huno a ri, "Zwo ralo, mulandu? Ho ngo tea u zwi amba. Tshiñwe na tshiñwe tshine a tshi ita tshi dzinani ḥa Jones, tsha u thoma."

<sup>63</sup> Nda ri, "Fhedzi a ni athu u vhuya na tshimbila tshiṭaraṭani na ṭangana nae, na ri, 'Idani-ha, Jones.' O ḫo tea u vha ene, tsha u ranga, nga munyanya, munyanya wa mbingano, 'Jones.' Arali a songo ita ngauralo, ni khou tshila vhupombweni. Huno arali no lovhedzwa nga iñwe ndila-vho hu si Dzinani ḥa Yesu Kristo, ndi ndovhedzo ya vhupombwe, ine i si wanale Bivhilini."

Zwenezwo, "Zwine na ita nga nyambo na nga nyito, zwothe zwi iteni Dzinani ḥa Yesu," nga murahu ha izwo, zwine na ita. Fhedzi tsha u thoma ni tea u ḫa Dzinani Lawe.

<sup>64</sup> Hu na vhafumakadzi vhanzhi vhavhudì kha tshino tshifhaṭo madekwana ano, vhavhudì, vhafumakadzi vha ṭhonifhaho; fhedzi hu na Vho-Mme William Branham muthihi. Ndi vhone vhane vha ya hayani na nñe. Ndi vhone vhane vha vha mufumakadzi wanga.

<sup>65</sup> Hu na vhathu vhavhudì shangoni, zwivhidzo zwavhudì; fhedzi hu na Vho-Mme Yesu Kristo muthihi, huno ndi vhone vhane A ḫo vha a tshi khou ḫela vhone. Afho ndi hune Dzina Lawe ḥa vha hone. Henefho ndi hone hune vhurereli Hawe ha vha hone, Khae nahone Ene fhedzi. Ndi ngoho. Yawee, ndi zwone, muñe wanga. Ri wana uri izwo ndi ngoho.

<sup>66</sup> Zwino, ndi zwine ngazwo, riñe, "Zwothe zwine ra ita nga nyambo kana nga nyito, ri zwi ita Dzinani ḥa Yesu Kristo."

"A hu na liñwe dzina lo newaho nga phasi ha Liṭadulu la u tshidzwa, nga nn̄da ha Dzina ḥa Yesu Kristo." Mishumo, ndima ya 2, i ri, "Ngauralo ḫivhani-ha . . ." "A hu na liñwe dzina lo newaho nga phasi ha Liṭadulu line muthu a tea u tshidzwa ngalo, ndi nga Dzina ḥa Yesu Kristo fhedzi." Amene. Ndi a fulufhela uru ni a pñesesa. Dzina ḥa Yesu Kristo, tshiñwe . . .

Liṭadulu ḥa Nthesa lo rinwa Ene, "Muṭa wothe wa Liṭadulu wo rinwa Yesu," Bivhili ḫo ralo, "huno muṭa wothe wa fhano shangoni wo rinwa Yesu." Ngauralo helo ndi Dzina lo nangiwaho nga Mudzimu na he A Li vhea. Afho ndi fhethu Hawe ha vhurereli, ndi kha Yesu Kristo. Zwino, ri ḫivha zwo tou ralo, a hu na huñwe fhethu ha u rerela hu si Khae.

<sup>67</sup> "A hu na liñwe dzina nga phasi ha Liṭadulu le ḥa nekedzwa vhathu, line ngalo vha nga tshidzwa." Lawe ndi Dzina ḥa Mudzimu ḥa thengululo. Mudzimu u na dzina li no pfi Jehovah-jireh, Jehovahrapha, Jehovah-jireh. "Murena u ni hangwela zwivhi zwanu zwothe." Jehovahrapha, "Murena u fhodza malwadze anu othe." O vha e na maimo manzhi. Fhedzi U na Dzina lithihî ḥa Thengululo, line la vha la vhathu, huno lenelo ndi Dzina ḥa "Yesu." Ndi Dzina Lawe, le A nanga u li vhea. O Li vhea ngafhi? O Li vhea kha Kristo.

<sup>68</sup> Maňwe madzina a zwivhidzo, dzindaela, maimo, u zwi fulufhela ndi lufu. Ni khou fulufhela tshivhidzo tsha Methodisi uri tshi do ni isa Tađulu, no xela. Arali ni tshi fuļuhela Mapentekostaļa, uri tshivhidzo tsha Pentekostaļa tshi do ni isa Tađulu, no xela. Na tsha Baphuthisi, Luđere, Presbiteriani, Katolika, tshiňwe tshivhidzo-vho; ni khou fulufhela dzina lavho, kana vhuimo havho, kana ndaela yavho, no xela.

Ngauri, ni nga si kone u thoma u rerela arali ni songo ranga na dzhena fhethu ha vhurereli. Amene. Hafho ndi hone fhethu hu hođhe hune Mudzimu a ḥangana na murereli, ndi fhethu he A nanga u vhea Dzina Lawe hone. Huňwe fhethu hođhe, ni tshi fulufhela khaho, ni do lovha. O dovha a . . .

<sup>69</sup> Muňwe murunzi wa Yesu hafha, ndo hu swaya, kha Luňwalo. Nahone, O—O vhonala hafha, “U tea u vha a sa solei.” Fhethu he A vhea Dzina Lawe, heyi ngwana i tea u vha i sa solei.

Zwino, ndi ifhio dinomineisheni kana maitele ane ni nga a kwakwanya na hezwi; ndi tshivhidzo tshifhio, tsha Katolika, tsha Protestante, tsha Tshiyuda, kana tshiňwe-vho? Ndi afhio maitele, dinomineisheni, ane ni nga a kwakwanyisa nazwo, “a si na tshi soleaho”? Zwođhe zwi a haniwa, nahone a zwi ḥanganedzwi!

Fhedzi hu na fhethu! Haleluya! Hafho fhethu hu kha Yesu Kristo. A hu na tshi soleaho Khae. A hu na mulandu Khae.

Ni nga si kone u kwakwanya hezwi. Vhathu havha vhođhe vhane vha lingeda u ita nga u tou ralo, vha ri tshivhidzo tshavho a tshi na mulandu na *hezwi* zwođhe. Tshi na tshika, Vhapfuki vha Ipfi, vhafunani, vha ngaho vho fa, vha Laodikea, ndaela, fhedzi a si Ngoho. Fhedzi na Pilato ene muňe, swina Lawe, o ri, “A thi wani mulandu Khae.” Swina Lawe lo ḥanziela uri ho vha hu si na mulandu Khae. Ni nga si kone u wana tshivhi Khae.

<sup>70</sup> O vhudza vhotshifhe vha misi Yawe a ri, “Ndi nnyi wa vhoinwi ane a nga Mmbea mulandu? Ndi nnyi ane a nga Ntsumbedza uri ndi muitazwivhi?”

Mmbuleleni tshiyhidzo tshithihi tshine tshi nga ri tshone a tshi athu u ita tshiňwe tshithu tsho khakheaho. Zwi khagala, a hu na na tshithihi tshazwo, na kathihi, fhedzi tsho vhulaha nahone tsha ita tshiňwe na tshiňwe tshine tshi nga itwa, na kathihi. Zwenezwo vha kha diđi divhidza . . . Hai, a si hone fhethu ha Mudzimu ha u kuvhanganelo hone u itela vhurereli, kha ndaela iňwe na iňwe ya lutendo kana dinomineisheni.

<sup>71</sup> Khonani dzanga, a thi ḥodi u vhaisa zwipfi, fhedzi ndi na vhudifhinduleli ha Mulaedza, nahone, uyo Mulaedza ndi, “Ibvani kha heyi ndado!” Huno arali ndi tshi ni humbela uri ni bve, ndi do ni isa ngafhi? Naa ndi do ni isa Thaberenakeleni ya Branham? Hu diđi vha hu u khakha u fana na džinwe dzođhe.

Fhedzi hu na fhethu huthihi hune ndi nga ni isa hone, hune na vha no tsireledzea nahone na vha no pilelwa kha lufu, ndi kha Yesu Kristo, fhethu ha Mudzimu ha vhurereli. Henefho ndi hone hune nda khou ni sumbedza hone, madekwana ano, he Mudzimu a vhea Dzina Lawe. He A fulufhedzisa uri U do ḥangana na muthu muńwe na muńwe a no dzhena heneffo, Ú do rerela nae nahone a ḥa nae, ndi kha Kristo; hu si kha tshivhidzo, hu si kha Thaberenakele.

Fhedzi, kha Kristo, ndi Ene Thaberenakele ya Mudzimu. Ndi ene fhethu he Mudzimu a dzhena ngomu, Ene muńe, huno a dzula ngomu Hawe. “Hoyu ndi Murwa Wanga ane nda mu funa, ane nda takalela u dzula ngomu Hawe.” Henefho ndi hone he Mudzimu a fhaṭela, a disa Dzina Lawe huno a Li vhea kha, Yesu Kristo. Ngauralo, Dzina Lawe lo vhewa kha Muthu, Murwa Wawe, Yesu Kristo, he Ene Muńe a fhaṭela, nahone kha heyo Thaberenakele.

Hezwi, zwi tshi fanyiswa, Yerusalem ḥa kale, minyanya ya kale, thembele ya kale, ho vha hu tshifanyiso; musi vhutsi vhu tshi dzhena ngomu, duvha le mbulungelo ya dzhena, ya mulanga, ya awela, huno Ipfi ḥa Mudzimu ḥa pfala li tshi bva khayo.

Ngauralo Ipfi ḥa Mudzimu lo pfala, li tshi dzhena kha Thaberenakele, Yesu Kristo; zwine, ya Kale (ya mupo) ya vha i tshifanyiso na murunzi wa Ntswa. Huno musi A tshi dzhena kha Kristo, O ri, “Hoyu ndi Murwa Mufunwa Wanga, ane nda takalela u dzula ngomu Hawe. Huno Ndi do nanga fhethu hune Nda do vhea Dzina Langa, na hune Nda do ḥangana na muthu, na hune Nda do rerela ndi hone.” Mudzimu o nanga fhethu; hu si kha tshivhidzo tshi re dinomineisheni, fhedzi kha Yesu Kristo. Ee, muńe wanga.

<sup>72</sup> Nahone u tea u vha “a sa solei,” sa zwe nda amba. A hu na dinomineisheni ine i nga ri yo ralo. Vha ralo; ndi vhone mulwanakristo.

<sup>73</sup> Zwino hafha ri wana zwauri, ri dovha ra vhone murunzi Wawe. Yo—yone ngwana i tea u vhulungwa. Zwino, hezwi zwi wanala kha Ekisodo 12, arali ni tshi khou ḥwala fhasi, Ekisodo 12:3 u swika 6. Ngwana i tea u vhulungwa mađuvha mańa, uri i lingwe, uri i kone u vhonala zwauri yo tea naa u iswa tshithavheloni. I tea u dzhiwa, ya ḥoliwa i tshi dohwa, lwa mađuvha mana, u vhone arali hu na tshi soleaho khayo, u vhone arali hu na vħulwadze khayo, u vhone arali hu na tshińwe tsho khakheaho kha ngwana. I tea u vhulungwa mađuvha mańa.

<sup>74</sup> Zwino dzhielani nzhele. Vhańwe vha vhoiwi ni nga di vha no elekanya uri heyo yo vha i ḥukhu, yo vhulawaho nga ḥa fumi-inā. Fhedzi, ni elelwe, vho dzhia ngwana nga duvha ḥa vhufumi ḥa ḥwedzi, huno vha i vhulaha nga duvha ḥa vhufumi-inā ḥa ḥwedzi, ni a vhone, ye ya vha yo vhulungwa mađuvha mańa.

<sup>75</sup> Zwino, Yesu, Dzina la Mudzimu, Ngwana, o dzhena Yeruselema huno a si tsha dovha a bva u swika nga murahu ha lufu Lwawe, tswiṭo, na mvuwo. O vhewa nga fhasi ha vhadziausasaladza mađuvha maṇa na masiku maṇa. Ngwana yo fanyiswa zwavhudī hani, yo vhulungwa mađuvha maṇa. Ndi he Pilato a ri, "A thi wani mulandu Khae."

<sup>76</sup> Muňwe murunzi Wawe, a hu na shambo le la kona u vundea Khae, zwe zwa vha zwe tea tshothe, musi vha songo zwi kona. Musi vha tshi vhulaha tshīthavhelo, a vho ngo kona u vunda shambo. Arali zwa ralo, tsho vha tshi tshi haniwa. Huno vho vha vho no dzhia hafhu hamula uri vha vunde marambo kha milenzhe ya Kristo, musi vha tshi ri, "O no di lovha." Vha phula lurumbu Lwawe huno vha wana Malofha na madi.

<sup>77</sup> Dovhani ni dzhiele nzhele tshiňwe tshithu tshihulwane hafha. Ndo vha ndi si nga tshi pfuki, ngauri O fanyisiwa kha zwiṭhavhelo, tshīthavhelo tsha zwiliwa.

Ndi ezelwa nga tshiňwe tshifhinga musi vho vha vhe na tshikolo, Bivhilini, tshi vhidzwaho tshikolo tsha vhaporofita, huno tsho vha tshi tshikolo vhukuma. Huno ri wana uri Eliya o gonyela henengei kha itsho tshikolo nga liňwe duvha, huno vha ri, "Ri . . ." Vha mu humbela uri a ḥuwe, vha ri, "Musi u fhano, zwithu zwe lulamesa." Ngauralo vho ḥoda uri a ḥuwe.

Huno vho bva vha yo mu ḥodela zwiliwa. Huno tshigwada tsha vhotshifhe tsha bva, kana vhaporofita, u mu wanela eregisi, u mu itela zwiliwa. Huno musi vho no ita, vha dzi kuvhanganya dzi nnzhi dza qadza tshiambaro; huno musi vha tshi vhuya, ho vha hu zwitemba zwa ḥaka, zwe zwa vha zwi mulimo, huno vha zwi panga khalini. Huno khali dza thoma u vhila, huno vha, muňwe muthu, a ri "Yawee, hu na lufu khalini. Zwino ri nga si vhuye ra la."

Huno Eliya a ri, "Disani vhukhopfu ho dadzaho tshanda." Huno a dzhia vhukhopfu a vhu thuphela khalini, a ri, "Ilāni. Khali yo fhodzwa."

<sup>78</sup> Tshīthavhelo tsha zwiliwa ho vha hu Kristo. Muelo wa luvhele luňwe na luňwe wa tea u edanyiswa, na thuvhule iňwe na iňwe ya tea u sindwa nga u tou ralo, u itela tshīthavhelo tsha zwiliwa. Zwi tshi sumba, uri, ndi Ene mufhodzi. Ū shandukisa vhuimo, huno a dzhia lufu, huno a vhea Vhutshilo; nga milayo mivhili. Haleluya! Hune lufu lwa vha hone, ndi fhethu huthihi; musi Kristo a tshi dzhena, Vhutshilo vhu a dzhena. Ndi ene wa mulovha, namusi, na lini na lini. Huno he ha vha hu na lufu, henehfo ha vha Vhutshilo, ngauri Kristo o do dzeniswa, tshīthavhelo tsha zwiliwa.

<sup>79</sup> Izwi zwithu zwe vha zwi tshi do vha pfunzo khulwane vhukuma arali ro vha ri tshi do qine a tshifhinga tsha u zwi guda! Zwino vhonani, a hu na na ipfi na lithihi la mirunzi line

la kundelwa. A hu na na ipfi lo no kundelwaho, la murunzi. Tshiñwe na tshiñwe tsho fanyisa zwavhuđi.

Ndi ene fhethu he Mudzimu a hu nangela vhurereli, huno Dzina la Mudzimu lo newa Ene. Ndi ene fhethu ha Mudzimu ha vhurereli, huno Dzina la Mudzimu lo newa Ene. Ndi ene Ipfi la Mudzimu, nahone ndi Ene Dzina la Mudzimu. O vha e Ipfi la Mudzimu a dovhya a vha Dzina la Mudzimu. “O vha e Ipfi lo itwaho nama.” O vha e Ipfi la Mudzimu, Ngwana ya Mudzimu, Dzina la Mudzimu, nahone e Mudzimu. Ndi zwe A vha e zwone, fhethu ho nangiwaho nahone fhethu hu hothe ha u rerela Mudzimu.

<sup>80</sup> Huno Mudzimu u hana fhethu huñwe na huñwe nga nn̄da ha Yesu Kristo; a ni koni u Mu rerela huñwe fhethu. O amba a ri, “Nne vha ntshumela lwa fhedzi, vha tshi funza Pfunzo dzine dza vha zwidayo zwa muthu.” Namusi ri na dzindaela, pfunzo dza vhatu, na zwe the, zwine zwa funza uri ndila *ngeyi* nahone ndila *ngeila*.

Huno Yesu o ri, “Ndi nne Ndila, Ngoho, na Vhutshilo, huno a hu na muthu ane a nga da kha Mudzimu arali a sa di nga Nne.” Nga mañwe maipfi, “Ndi nne Muñango wa u dzhena dangani la nngu. Vhothe vha re nn̄da ndi mavemu.” Ndi ene ndila e ethe. Ndi ene Muñango. Ndi ene Ndila, Ngoho, Vhutshilo, na zwe the zwi re hone; muñango u wothe, fhethu hu hothe, vhurereli hu hothe, Dzina li lothe.

Tshiñwe na tshiñwe tsho kungelelwa kha Yesu Kristo. Testamente Ndala yothe yo kungelelwa Khae. Testamente Ntswa yo kungelelwa Khae. Huno Tshivhidzo ñamusi tsho kungelelwa Khae, nga Ipfi la ndaela Yawe. A hu na huñwe fhethu, kana liñwe Dzina, kana huñwe fhethu, he Mudzimu a vhuya a fulufhedzisa u tangana na muthu; ndi kha Yesu Kristo fhedzi, fhethu Hawe he a hu nangela vhurereli.

<sup>81</sup> Dzhielani nzhele, Mudzimu o fulufhedzisa u tangana na vharereli Vhawe hafha fhethu huthihi fhedzi, huno hafho ndi he A tou nanga nga Ene muñe; a si he ra dinangela, hu si ha ngelekanyo yashu; fhedzi ha ngelekanyo Yawe, u dinangela Hawe. Huno hu do vha fhethu he A vhea Dzina Lawe, he A hu nanga. Ngauralo ri wana zwauri ri wana he Dzina Lawe la vha li hone, tshe A nanga, nga u funa Hawe Ene muñe.

<sup>82</sup> Zwino ro no wana fhethu he A vhea Dzina Lawe, hune ha vha, kha Kristo Yesu, nahone a hu na huñwe fhethu, kana a hu na liñwe dzina, ni a fushea nga izwo? I ri ni, “Amene.” [Tshivhidzo tshi ri, “Amene.”—Mudz.] Zwino, tshine tsha vha hone ndi uri, arali ri tshi wana hune fhethu ha vha hone... A hu na huñwe fhethu ha vhurereli hune ha tanganedzwa, ndi kha Kristo fhedzi.

Ni nga shanduka, ni nga kona u ita hezwo, fhedzi a ni athu u thoma u rerela lini. Ni khou humbelia khangwelo. Petro o ri...

Nga Duvha la Pentekoste, musi vho no vha vhona vhothe vha tshi amba nga ndimi, nahone zwiga zwihulwane na zwimangadzo zwi tshi khou bvelela, vha thoma u sea, tshivhidzo tsho ita ngauralo, huno tsha ri, "Havha vhathu vho fura veine ntswa. Vha difara sa vhathu vho kambiwaho. Vha..." Maria mukhethwa, vhothe, vho kuvhangana, vhe dana na mahumi mavhili. Huno vho vha vha tshi pepeleka sa munna o kambiwaho, nahone vha tshi amba nga ndimi, vha tshi bvela phanda. Vha ri, "Havha vhathu vho fura veine ntswa."

<sup>83</sup> Fhedzi Petro, o ima, a ri, "Vhanna na vha hashu, havha vhanna a vho ngo fura veine ntswa, ngauri i kha di tou vha awara ya vhuraru ya duvha. Fhedzi hezwi ndi zwe zwa ambiwa nga muporofita Yoele, 'Huno zwine zwa do itea maduvhani a vhufhelo, Mudzimu u ralo, Ndi do shululela Muya Wanga kha qama yothe; vharwa na vhananyana vhaqnu vha do porofita; kha vhalanda Vhanga vha vhasadzi na kha mulanda wa musadzi ndi do shululela Muya Wanga. Ndi do sumbedza zwiga nthia tadtulu, na shangoni; mulilo, khavhu dza mulilo, vhutsidi ha vhutsi. Hu do ri, musi Duvha lihulwane li ofhisaho la Murena li sa athu da, ane a do huwelela kha Dzina la Murena u do tshidzwa.'"

<sup>84</sup> Musi vha tshi pfa izwi, vha thavhea mbiluni dzavho, huno vha ri, "Vhanna na vha hashu, ri nga ita mini?"

<sup>85</sup> Petro a ri, "Shandukani, nothe, huno ni lovhedzwe Dzinani la Yesu Kristo hu vhe u hangwelwa zwivhi, ndi hone ni tshi do tanganedza tshifhiwa tsha Muya Mukhethwa. Ngauri pfulufhedziso ndi ya mirafho yothe i no do da." Zwino ri wana zwenezwo.

<sup>86</sup> Zwino ri todia u wanulusa uri ri dzhena hani *ngomu* Hawe. Ri dzhena hani ngomu fhethu afha ha vhurereli? Vhakorinta vha U thoma 12 i a li dzudzanya, ngauri, "Nga Muya muthihi!" Hu si nga tshivhidzo tshithihi, hu si nga ndaela nthihi, hu si nga mulisa muthihi, hu si nga mubishopo muthihi, hu si nga tshifhe muthihi. Fhedzi, "Nga Muya Mukhethwa muthihi rothe ro lovhedzelwa kha Muvhili muthihi," une wa vha Muvhili wa Yesu Kristo, nahone wa vha na mukovhe kha tshifhiwa tshinewe na tshinewe tshire tsha vha kha uyo Muvhili. Ee, munye wanga! A hu na u dzhoina, a hu na u dekesha dzindaela, a hu na u bommba, u litshedza, u khadana, kana tshinewe tshithu. Fhedzi, nga Mbebo ro lovhedzelwa kha Muvhili wa Yesu Kristo! Amene. "Nga Muya Mukhethwa muthihi ro lovhedzelwa kha Muvhili muthihi."

<sup>87</sup> Huno uyo Muvhili ndi mini? "U rangani ho vha hu Ipfi, huno Ipfi o vha e na Mudzimu, nahone Ipfi e Mudzimu. Huno Ipfi o shanduka a vha qama a dzula vhukati hashu." Ri nga vha hani kha uyo Muvhili huno ra landula Ipfi lithihi Lawo, kana ra Li vhetshela thungo huwe fhethu hune Li sa vhe kha Muvhili? Ri nga vhuya ra kona u zwi ita naa? Fhethu he Mudzimu a hu nanga!

<sup>88</sup> Dzhielani nzhele, hone musi no no lovhedzelwa Khae zwa vhukuma, vhuțanzi ha ngoho ndi ha uri ni a Mu tenda, Ipfi.

Ni nga kona hani u vha tshipida Tshawe na dovha na da na Mu landula? Ndi nga kona hani u landula tshanda tshanga uri ndi tshanda tshanga? Arali hu... Arali ndi tshi ita, hu na tsho khakheaho ḥhalukanyoni yanga. Huno ndi nga zwi kona hani? Arali hu na tsho khakheaho ḥhalukanyoni yanga, ndi tshi hana uri ndi tshanda tshanga, ndi tshi hana uri ndi mulenzhe wanga, hu na tsho khakheaho siani la maya kha mutendi ane a landula Ipfi linwe na linwe le Mudzimu a vhuya a amba nahone a fulufhedzisa. Hu na tsho khakheaho siani la maya maelana na onoyo ane a pfi u mutendi.

<sup>89</sup> A ni koni u landula ledere lithihi Lawe, ngauri no no vha tshipida tsha onoyo. Ni tshipida Tshawe ngauri no lovhedzelwa Khae; nga, Muya Mukhethwa we wa ni disa kha Muvhili wa Yesu Kristo. Zwo naka hani!

<sup>90</sup> Mudzimu o vha e na huñwe fhethu he A ḥangana—A ḥangana na Abrahamu, huno henehfo Abrahamu a rerela. Tshifhinga tshothe kha Testamente yothe!

Huno Ipfi Lawe la pfulufhedziso li do ṭalutshedza ngomu hanu, nga Ene. No zwi pfectesa izwo? Ipfi le A fulufhedzisa u li khunyeledza tshifhingani tshine na khou tshila khatsho, ni do vha luñwalo lwo ñwaliwaho lwa Mudzimu, lu vhalwaho nga vhathe vhothe. Hu si zwine na tou diitela, fhedzi ndi zwine Mudzimu a zwi ita nga inwi, zwi do vha na ndeme u fhira tshinwe na tshinwe tshine ni nga ri ndi tshañu. Mudzimu o ri, “Hezwi zwiga zwi do tevhela vha tendaho.” Hezwo zwi ambwa nga kha inwi.

<sup>91</sup> O amba nga ha hetshi tshifhinga, zwine ra do vha zwone zwino. Vhatendi vha tshino tshifhinga vha fanela u tenda Hetshi, tshe A tshi fulufhedzisa ñamusi. U fana na musi vho do tea u dzhena gungwani, uri vha tshidzwe; vha bve Egipita uri vha tshidzwe; vha tea u dzhena kha Kristo, uri vha tshidzwe zwino, u dzhena kha Mulaedza wa Ipfi, zwauri ndi Ene onoula wa mulovha, ñamusi, na lini na lini.

<sup>92</sup> Ni dzhena hani Khawo? Nga ndovhedzo! Ndovhedzo ya mini, mađi? Nga Muya Mukhethwa! “Muya muthihi, ri lovhedzelwa Muvhilini wonoyu muthihi.”

<sup>93</sup> Huno Ipfi Lawe la pfulufhedziso, A nga si... Zwi nga si ṭodee uri ni Li ṭalutshedze. U do Li ṭalutshedza nga inwi; zwine na khou ita zwone, zwe A fulufhedzisa u zwi ita. Tshividzo tshine tsha Mu tevhela tshi do fana nga maanda Nae u swikela vhathe vha tshi zwi ñivha.

Vhonani Petro na Yohane musi vha tshi vhudziswa nga ha u fhodzwa ha munna ngei muñangoni u no pfi Wonakaho. Vho ri, “Vho zwi vhona,” vhotshifhe vha la vho ralo, “zwauri vho vha vha tshi shaya ndivho nahone vha songo funzea,” fhedzi vho zwi

vhona zwauri vho vha vhe na Yesu. Ngauri, (mini?) vho vha vha tshi ita zwe A ita.

<sup>94</sup> U tea u vha kha mushumo wa Khotsi awe. Huno namusi zwi fanelu u vha ngauralo.

<sup>95</sup> Zwino, elelwani, U kha di vha wa mulovha, namusi, na lini na lini; ngauri Mudzimu u tangana na inwi Khae, fhethu hu hothe hune ha vha hone; ngauri afho ndi hone he A nanga u vhea Dzina Lawe, kha Yesu. “Yesu” ndi Dzina la Mudzimu. Elelwani, Khotsi, Murwa, Muya Mukhethwa, ndi maimo a Dzina “Yesu Kristo.”

<sup>96</sup> Musi Mateo a tshi ri, “Iyani-ha, ni funze tshakha dzothe, ni vha lovhedze Dzinani la Khotsi, la Murwa, na la Muya Mukhethwa.”

Namusi zwi khou talutshedza nga ndila i si yone na kathihi, ha pfi, “Dzinani la Khotsi, dzinani la Murwa, dzinani la Muya Mukhethwa.” A zwo ngo vhuya zwa nwaliwa. Ndi, “Nga Dzina,” vhuthihi, “la Khotsi, Murwa, Muya Mukhethwa.” *Khotsi* a si dzina, *Murwa* a si dzina, *Muya Mukhethwa* a si dzina; ndi vhuimo.

Nga murahu ha maduvha a fumi, Petro a takuwa huno a ri, “Shandukani, nothe, ni lovhedzwe Dzinani la Yesu Kristo.” Zwenezwo o ita zwe A mu vhudza uri a si ite naa? O ita zwe A mu vhudza uri a ite. Dzina la Khotsi, Murwa, na Muya Mukhethwa ndi “Murena Yesu Kristo.” Muthu munwe na munwe kha Testamente Ntswa o lovhedza Dzinani la Murena Yesu Kristo.

<sup>97</sup> A hu na muthu Bivhilini we a vhuya a lovhedzwa nga madzina a maimo ane a vha Khotsi, Murwa, Muya Mukhethwa. Hezwo a zwo ngo vhuya zwa itea u swikela ndaela ya Nicaea i tshi vha hone ngei Nicaea, Roma. Yo vha i ndaela ya tshivhidzo tsha Katolika, yo wanwa, yo themendela zwenezwo, kha katikasima. Ndo i wana, ndi zwone, *Mbuno Dza Lutendo Lwashu*, na zwinwe-vho, zwine zwa tou vha khagala uri ndi ndaela ya Roma Katolika. Vha do ni vhudza uri a zwiho Bivhilini; fhedzi vha ri vha na maanda a u shandukisa Maipfi, arali vha tshi funa, nga mulandu wa mupapa. A thi tendelani nazwo.

Yesu Kristo ha shanduki mulovha, namusi, na lini na lini. “Huno ane a do tusa Ipfi lithihi kha heyi Bivhili,” Yesu o ralo, “kana a engedza ipfi lithihi ngomu Hayo, mukovhe wawe u do bviswa Buguni ya Vhutshilo.” Ipfi lithihi; hu si fhungo, kana phara, Ipfi lithihi fhedzi! “Ane a do tusa Ipfi lithihi . . .”

<sup>98</sup> U rangani, Mudzimu o tsireledza vhathu Vhawe nga Ipfi Lawe. Ipfi lithihi, lo shandukiswaho, lo bveledza lufu luñwe na luñwe, vhuñungu vhuñwe na vhuñwe, na lithupho liñwe na liñwe. Efa, ho ngo vhuya a pfuka fhungo; o pfuka Ipfi. Musi Yesu a tshi da vhukati ha Bugu . . . Hetsho tsho vha tshipida tsha u thoma tsha Bugu.

Musi Yesu a tshi da vhukati ha Bugu, O ri mini? “Zwo ḥwaliwa zwauri muthu a nga si tshile nga vhuswa fhedzi, fhedzi nga Ipfi ḥinwe na ḥinwe line la bva mulomoni wa Mudzimu.”

Magumoni a Bugu, Nzumbululo ndima ya 22, kha ndimana ya 18, tshipida tshonetshone tsha u fhedzisela tsha Bivhili, Yesu u tou amba nga Dzawe, o ri, “Ndi a ḥanziela zwauri arali muthu ufhio na ufhio a nga ḥusa Ipfi lithihi kha Bugu heyi, kana a engedza ipfi lithihi Khayo, mukovhe wawe u do bviswa kha Bugu ya Vhutshilo,” ngauri ndi muporofita wa u zwifha nahone o kanganyisa vhatu, huno malofha avho a do vhilwa tshandani tshawe, nga mulandu wa u ita ngauralo.

<sup>99</sup> Ri tea u vhulunga fhala fhethu hu hothe ha vhurereli, hune ha vha, Yesu Kristo ene Ipfi, wa mulovha, namusi, na lini na lini. Amene. Ndi zwone. Elelwani, a hu na ḥunwe fhethu ha u kuvhanganelu u rerela, a hu na fhethu. Mudzimu o Hu nanga.

<sup>100</sup> Yohane, henengei murahu kha ḥhanganyo i re vhukati ha Testamente Ntswa na Ndala. Thetshelesani zwavhudi zwino. Dzhielani nzhele nga vhouronwane. Yohane, lila goni ḥihulu, lo da li tshi khou fhufha li tshi bva sogani ḥinwe ḫuvha, phapha dzalo khulwane dzo angalala. Lo mbo kavha kha philiphili ya Jorodani, muporofita are goni ḥihulu lo itaho muratho vhukati ha Testamente ya Kale na Ntswa, nahone o vha vhidza vha tshi bva matungo othe. O vha a tshi khou ri vha shanduke.

He Vhafarisei na Vhasadukei vha bvelela; o ri, “Ni songo thoma u amba mbiluni dzanu, ‘Ri na Abrahamu khotsi ashu,’ ngauri ndi a ni vhudza Mudzimu u a kona u vusela Abrahamu vhana kha aya matombo.” Yawee, nnenne!

Musi a tshi thoma u funza Mafhungo-madifha awe, a tshi ri, “Henehfo ho ima Muńwe vhukati hanu, Ane ni si mu ḫivhe. A thi athu Mu ḫivha, fhedzi ndi do Mu ḫivha musi A tshi da. A tho ngo fanela u vhofholola thovho Dzawe. Fhedzi Ene u do ni lovhedza nga Muya Mukhethwa na Mulilo. Huno luselo Lwawe lu tshandani Tshawe; U do swiela luvhata Lwawe, huno mungu U do u fhisa nga Mulilo u sa dzimi.”

<sup>101</sup> Lenelila goni ḥihulu la Mafhungo-madifha lo dzula henehhalo, li tshi bvisa zwi hulwane zwi ofhisaho zwalo. Huno tshika ya bvela nnda, kana Herode, muvhusi tshifhingani tshenetshiła, musimamilayo, o mala mufumakadzi wa murathu wawe. Huno no vha ni tshi nga elekanya goni lila ḥihulu la Mafhungo-madifha lo dzula fhała nahone lo fhumulela izwo?

Vhāiwe vhavho vho ri, “Ni songo funza nga ha mbingano na ḫhalano zwino, Yohane, ngauri Herode o dzula hafhalo.”

<sup>102</sup> O ya phanda ha tshifhańuwo tshawe a ri, “A zwiho mulayoni uri vha mu dzhie.” Ndi zwone!

O, vha, e, mini? O vha e lila goni li bvaho sogani. O vha a songo pfumbudza nga nyofho na mishushedzo ya muthu, ya

inwe dinomineisheni. Fhedzi o vha o pfumbudzwa nga maanda a Mudzimu Ramaandaothe, uri a divhe zwine zwa do da. O divha tshivhumbeo tsha Mésia.

Haleluya! Ipf i li amba uri, “Rendani Mudzimu washu!” Ni songo ofha. A thi athu huvhadza muthu. A tho ngo nyanyuwa. Ndi divha hune nda vha hone.

Yawee, musi ndi tshi mu humbula, lila goni lihulu li tshi fhufha henengei nahone li tshi kavha! O ri, “Ndi do Mu divha musi A tshi da.”

<sup>103</sup> Nga linwe duvha o vha o ima heneffa, a tshi khou funza. Vhotshifhe vho vha vhe seli kha linwe sia, vha ri, “U amba uri hu do da tshifhinga tshine tshidzimu tsha misi tsha do dzivhiswa; heyi thembele khulu ye ra i fha, na mushumo wothe we ra ita, yashu dinomineisheni khulu?”

A ri, “Hu do da tshifhinga tshine hezwo zwe the zwa do fheliswa.”

“Zwi nga si itee. U muporofita wa u zwifha!”

<sup>104</sup> Huno a sedza thungo dzothe. A ri, “Vhonani, Khoulaa! Fhala ndi hone fhethu he Mudzimu a hu nangela vhurereli. Kheyo Ngwana, Ngwana ya vhukuma ine ya hwala tshivhi tsha shango.” Ho ngo ri, “Hu khou da Mumethodisi, hu khou da Mubaphuthisi, kana Mukatolika.” O ri, “Kheyo Ngwana ya Mudzimu i hwalaho tshivhi tsha shango.”

Fhethu ha tsireledzo hu hothe hune ha vha hone ndi kha Ngwana ya Mudzimu. U tshidzwa hu Khae fhedzi; hu si kha tshiinwe tshividzo, inwe ndaela, vha inwe vhatu, munwe khotsi, munwe mme, munwe munna mukhethwa, kana tshi siho, fhethu hukhethwa. Ndi kha Mudzimu Mukhethwa, Murena Yesu Kristo, he Mudzimu a vhea Dzina Lawe kha Muthu wa nama, u itela thengululo, We a lifha mulifho wa riqe vhatazwivhi. Ndi hone fhethu hu hothe ha u tshidzwa. Helo ndi Tombo line nda ima khalo.

<sup>105</sup> Yohane o Mu divha. O ri, “A tho ngo Mu divha musi ndi tshi Mu vhona a tshi da a tshi khou tshimbila, fhedzi nnnda hangei he nda wana pfunzo yanga . . .” Hu si kha tshikolo tsha manwalo u fana na zwe khotsi awe vha ita; hu si sa tshifhe, o pfumbudzwaho. Fhedzi ngei sogani, he a vha e tshikoloni tsha Pfunzo ya manwalo a Mudzimu Ramaandaothe, o lindela Ipfila Mudzimu; hu si zwe tshiinwe tshigwada tsha vhatu tsha bveledza, fhedzi zwe Mudzimu a amba nga Hal. Huno musi Yohane o lavhelesa nahone a vhona Muya u tshi khou da, o ri, “Ndi a tanziela, hoyu ndi Ene.” Yawee, nnenne!

Khefho fhethu hanu ha vhurereli. Khefho fhethu hanu ha u dzumbama. Asiyo Ngwana ya Mudzimu ine ya hwala tshivhi tsha shango. Hu si tshividzo, hu si ndaela, kana tshi siho, fhedzi ndi Ngwana ya Mudzimu i hwalaho tshivhi tsha shango.

<sup>106</sup> Ni a vhona uri Yohane o zwi vhekanya hani? Ho ngo ri, “Vhoinwi Vhafarisei ni ita zwone, vhoinwi Vhasadukei, Vhaherode.” O ri, “Kheyo Ngwana.” Ndi hone fhethu. U na Dzina. Ndi Ene. A hu na linwe dzina fhasi ha Liṭadulu!

<sup>107</sup> Zwino lavhelesani zwe Yesu a amba nga ha Yohane. Nga linwe duvha Yohane o rumela muthu Khae, u vhona zwe A vha a tshi khou ita. Yesu o amba hezwi nga hae, “O vha e tshiṭa tshedza tshihulwane nahone tshi penyaho,” u vha sumbedza gondo li re ḥone ḥine vha tea u li fara musi A sa athu da, u da Hawe ha u thoma. Thetshelesani zwavhuđi. Ni songo kundelwa u li pfesesa. Yesu o ri, “Yohane o vha e tshiṭa tshedza.” Maleaxi 3, a hu na khakhe! Muporofita a re na tshedza tshihulwane tshi penyaho o divha Yesu sa ane a vha Ene fhedzi, “Ngwana.” Dziňwe ngwana dze vhotshifhe vha vha vha tshi khou amba nga hadzo, na zwiňwe zwithu-vho, ho vha hu vhutsilu. Heyi yo vha i yone “Ngwana!” Munna we a vha e na tshedza tshihulwane tshi penyaho, tshe Yesu a ri o vha e tshone.

Maleaxi 3 yo ri, “Ndi do ruma mudinda Wanga phanda Hanga uri a lugise ndila.” Huno we a vha o rumiwa uri a lugise ndila, o Mu divha sa fhethu. “Ndi Ene! A hu na khakhe. Ndi Ene! Ndi vhona tshiga tshi tshi Mu tevhela. Ndi a zwi divha zwauri ndi Ene; Tshedza tshi tselaho fhasi tshi tshi bva Tađulu nahone tshi tshi da Khae.” Zwo vha zwi zwone, ho vha hu Ene.

<sup>108</sup> Zwenezwo, murathu wanga, ndi tama u ni vhudzisa tshiňwe tshithu, ndi tshi fhedzisa. Ri nga di amba hezwi. Kha Maleaxi 4, naa a ro ngo fulufhedziswa-vho linwe goni, Khavhu ya Tshedza i tshi tevhela, u sumbedza tshivhidzo tsho xelaho tshifhingani tshino uri Ene ndi Vhaheberu 13:8, “a sa shanduki mulovha, ḥamusi, na lini na lini?” Naa a ro ngo fulufhedziswa u da ha muňwe-vho a tshi fhufha a tshi bva sogani? Amene! Heyo ndi Ngoho vhukuma. Zwo tea nahone zwi a fanelana na Luka 17:30, hune Murwa wa muthu (Goni) a do dzumbulula Ene mune u ita uri huňwe fhethu ha vhurereli hu sa vhe ha tshithu, u fana na dinomineisheni na zwiňwe-vho!

Mudzimu o nanga fhethu Hawe. Yohane o ri, “Ngeiļaa!”

<sup>109</sup> Huno zwo ralo ro fulufhedziswa zwi fanaho na zwenezwo tshifhingani tshino, Maleaxi 4, “U rembulusa mbilu dza vhana,” u amba zwauri Ene ho ngo fa, hezwi zwithu a si zwa tshiňwe tshifhinga; ndovhedzo Dzinani ḥa Yesu yo vha i si ya hangei murahu, fhedzi Ene zwa zwino u tshee onoula. Amene. U ita uri fhethu huňwe hothe ha vhurereli hu si vhe ha tshithu, ndi zwine goni ḥa tshifhingani tsha mafhelelo ḥa do tea u ita, u sumbedza zwauri zwiňwe zwothe ndi vhutsilu, dinomineisheni ndi u shaya maano, fhedzi u vha sumbedza hafhu nga tshiga tshenetshiṭa tshe a ita, zwauri Ene ndi onoula wa mulovha, ḥamusi, lini na lini. Haleluya!

<sup>110</sup> Hafhu, kha Ndzungbululo 4:7, ro vha na Zwivhanda zwiñga zwine ra kha di bva u fhedza nga hazwo.

Tsha u thoma tshi vha tshi, ro wana uri, tsho vha tshi ndau. Tsho vha tshone Tshivhanda tsha u thoma tshe tsha ya u tangana na khaedu ya tshenetshila tshifhinga, Ndau ya Lushaka lwa Yuda.

Nga murahu Hawe hu da tshiñwe Tshivhanda. Huno ri wana zwauri, Tshivhanda tshi tevhela tsho vha tshi phulu, ine ya vha tshivhanda tsha muhwalo, tshiñhavhelo. Mađuvhani a kereke ya Roma, Tshivhidzo tsho mbo fa; tshiñhavhelo.

Tshe tsha tevhela, ho vha hu muthu, ho vha hu Tshivhanda tshi na tshifhañuwo tsha muthu. Huno uyo muthu o vha e vhashandululi, pfunzo ya muthu, pfunzo ya manwalo, na zwiñwe-vho.

Fhedzi Tshivhanda tsha u fhedzisa tshe tsha tea u fhufha, Tshivhanda tsha u fhedzisa tshe tsha tea u ña, Bivhili i ri ho vha hu goni li fhufhaho. Haleluya! Huno muporofita o ri, tshifhingani tshino, "Hu do vha Tshedza." Yawee, nnemne! "Tshifhingani itsho hu ño vha na Tshedza."

<sup>111</sup> Ho vha na tshifhinga tsha vhashandululi. Ho vha na tshifhinga tshe tsha vha tshi murunzi, ndi nga si kone u tshi vhidza masiari kana vhusiku. Fhedzi tshifhingani tsha madekwana, tshifhingani tsha Goni:

Hu do vha na Tshedza tshifhingani tsha Goni,  
Ndila ya u ya Vhugalani ngoho ni ño i wana;  
Ndilani ya madi hu na Tshedza ñamusi,  
No swiñwa Dzinani la thengo khulu la Yesu.  
Vhañuku na vhahulwane, furalelani zwivhi  
zwanu,  
Muya Ñukhethwa ngangoho u ño ni lovhedzela  
ngomu;  
Ngauri Mbone dza madekwana dzo da,  
Ndi ngoho zwauri Mudzimu na Kristo ndi  
Vhathihi.

<sup>112</sup> Amene! Hu do vha na Tshedza tshifhingani tsha madekwana, fhethu hu hoñhe he Mudzimu a hu nangela u rerela. Oo, uyu Mulaedza wo swikela ngafhi, U khou ya u ita mini? Huno tshifhingani tshawe hu ño vha na Tshedza nga madekwana, huno (mini?) u tanganedza vhana Vhawe murahu hayani kha Shango vhukuma lo fulufhedziswaho, nga tshiga tshenetshila tsha Khavhu ya Mulilo ye ya ranga phanda vhana vha Israele vhukati ha soga.

Fhethu he Mudzimu a hu nangela u rerela, Yesu Kristo. Ndi hone fhethu hu hoñhe. Ndi lone Dzina li loñhe line Mudzimu a vha na ña u tshidzwa. Ndi zwe A ira muña u re Litadulu, musi u fhano shangoni, ndi Yesu Kristo.

<sup>113</sup> Oo tshivhidzo, Oo vhathu, khonani ya muitazwivhi, ni songo fulufhela kha tshiñwe tshithu nga nda ha Yesu Kristo. Ni songo fulufhela kha muñwe mufunzi. Ni songo fulufhela kha muñwe muthu uri u do ni tshidza. Ni songo fulufhela kha tshiñwe tshivhidzo, iñwe ndaela, iñwe dinomineisheni. Fulufhelani kha Yesu Kristo fhedzi, ngauri ndi Ene Tshedza tsha tshino tshifhinga.

Kha ri kotamise zwifhañuwo zwashu.

Hu do vha na Tshedza tshifhingani tsha maðekwana,  
 Ndila ya u ya Vhugalani ngoho ni do i wana;  
 Ndilani ya maði hu na Tshedza ñamusi,  
 No swiñwa Dzinani la thengo khulu la Yesu.  
 Vhañku na vhahulwane, furalelani zwivhi zwanu,  
 Muya Mukhethwa ngangoho u do dzhena;  
 Mbone dza madekwana dzo da,  
 Ndi ngoho zwauri Mudzimu na Kristo ndi Vhatihii.

<sup>114</sup> Yawee, murathu, khaladzi, arali ni sa athu shanduka, arali ni sa athu vha o no lovhedzwaho Dzinani la Yesu Kristo, ni nga zwi thoma madekwana ano? Naa ni nga nea Mudzimu tshifhinga tsha u ni ñanganedza fhethu hune ni nga kona u Mu rerela? Elelwani, nga nda ha afho, a hu na fhethu he Mudzimu a fulufhedzisa u ñanganana na inwi nahone a ñanganedza vhurereli hañu.

<sup>115</sup> Ni ri, “Mukomana Branham, nne ndi rerela ndi tshi fulufhedzea!” Na Kaine o ralo. O ita lúshaka luñwe na luñwe lwa tshidzimu tshe Abele a ita, fhedzi tsho vha tshi tshiñvavhelo tsho khakeaho. Ni nga kha di ya tshivhidzoni, nahone na bvisa zwa fumi zwanu, na dovha na ita mushumo wañu une na tea u u ita sa Mukriste, ni tshi tou fulufhedzea sa munna muñwe na muñwe kana mufumakadzi.

Ndo no ima fhano zwino miñwaha ya mahumi mararu, heneffa tsini ha dorobo, nda huwelela Mulaedza wonoyu. Ndi khou kalaha. Ndi nga si kone u vha na inwi tshifhinga tsho lapfahonyana. Fhedzi elelwani, nga Duvha la Khatulo, ipfi langa lo rikhodiwa, huno li do ni rovheda.

<sup>116</sup> Hu na fhethu huthihi fhedzi hune Mudzimu a vhea Dzina Lawe, huno a si kha tshivhidzo, ndi kha Yesu fhedzi. Hu na fhethu huthihi ha vhurereli, fhethu huthihi fhedzi hune na ñanganedza, huno ndi kha Mufunwa, Yesu Kristo. “A hu na liñwe dzina fhasi ha Liñadulu, lo newaho vhathu, line ha nga tshidzwa,” a hu na tshivhidzo, a hu na ndaela, a hu na tshiñwe tshithu. Yesu Kristo!

Huno hoyo u tea u vha Mulaedza wa tshino tshifhinga, “U vhuedzedza mbilu dza vhana, murahu kha Lutendo lwe lwa

vhuya lwa nekedzwa vhakhethwa.” Ni nga si U t̄anganedze madekwana ano?

Huno ri tshi kha di vha ro kotamisa zwifhātuwo zwashu.

<sup>117</sup> Huno avho vhane vha do tama u elelwa thabeloni, naa ni nga imisa zwanda zwānu. Ri nga si kone u vhidza vhathu kha al̄itari, ngauri vho dalesa. Mudzimu a ni fhātutshedze. Nn̄en̄e! Kha tsha monde tshanga, ndi humbulela uri hu na mađana mararu.

<sup>118</sup> Zwino kha tsha u la tshanga, naa ni nga imisa zwanda zwānu, na ri, “Ndi khou tama u elelwa.” Ndi humbulela uri hu na vha dana na mahumi mađanu, kana u fhira afho, kha tsha u la tshanga.

Ri na thaberenakele hafhalā fhasi i re na tivha lihulu la madi; vhafunzi, vhafunzi vhavhudī, Murathu Orman Neville, vhashumisani, vhanna havha vha re hafha vhane na vha vhona na t̄angana navho. Duvha liñwe na liñwe, vhusiku vhuñwe na vhuñwe, awara iñwe na iñwe, vhāthu vhane vha ḥoda u lovhedzwa, vho shandukaho, li dzula lo lindela. Nahone arali ni tshi do vhulunga ila ndaela, ni na vhuñanzi, nga pfulufhedziso ya Mudzimu, arali ni tshi fulufhedzea mbiluni yanu, u t̄anganedza ndovhedzo ya Muya Mukhethwa.

<sup>119</sup> Hu na fhethu huthihi ha vhurereli. Zwino, hafho a si thaberenakeleni. Ndi kha Kristo. Ri dzhena hani Khae? “Nga Muya muthihi ri lovhedzelwa kha uyu Muvhili muthihi.”

Kha ri rabele.

<sup>120</sup> Mudzimu a funeaho, musi zwanda izwi zwe ya n̄tha, zwi sumba zwi re mbiluni dza vhathu zwe tsirwaho nga hezwo zwanda, thovhedzo ya uri vha na vhuñanzi ha uri vha ḥoda thuso i bvaho kha Iwe. Ndi rabelela muñwe na muñwe wawho, Khotsi. Huno ndi khou ya u bula Fhongo Lau. Wo ri, “Ane a pfa Ipfī Langa, nahone a tenda kha O rumahō Nne, u na Vhutshilo vhu sa fheli, huno a nga si de Khaṭuloni; fhedzi o bva lufuni a dzhena Vhutshiloni.”

Khotsi, ndo tuwa doroboni vhege dzi si gathi, nda vhuya, nda vhudzisa, “Nga ha iki?”

“Malandu, vho tuwa.”

“Zwo ralo, mulandu malugana . . .”

“Vho tuwa.”

<sup>121</sup> Mudzimu a funeaho, ri vhidzwa nga muthihi nga muthihi, nga muthihi nga muthihi ri tea u t̄angana na khaedu ya u tsela fhasi vhukati ha govha la murunzi wa lufu. Huno zwe tea muñwe na muñwe washu, sa vhathu vhane vha fhira. Fhedzi, madekwana ano, Wo ri nea khumbelo Yau, zwauri arali ri tshi do tenda Khae nahone ra lovhedzwa Dzinani Lawe, U do ri t̄anganedza. Huno kha uyu Muvhili, Muvhili wa Kristo, hu si tshividzoni; fhedzi kha Muvhili wa Kristo, uyo Muvhili wo

no di haṭulwa. U nga si tee u da Khaṭhuloni. Mudzimu o shułulela vhuhali Hawe kha uyo muvhili, huno uyo muvhili wo vhofhololwa kha tshivhi; huno, u vha kha Ene, zwi ri vhofholola tshivhini, nga Tshiṭhavhelo Tshawe ene we a ri fela. Huno ngomu henefho ri na vhutama, ngeno Malofha a Yesu Kristo, Murwa wa Mudzimu, a tshi ri kunakisa kha tshivhi tshoṭhe na u tshikafhala.

<sup>122</sup> Khotsi, Mudzimu, ndi rabela zwauri U do dzhia muñwe na muñwe wavho Muvhusoni Wau. Zwi tendele, Mudzimu. Ngavhe hu sa vhi na muthihi wavho o xelaho; ngavhe hu sa vhi na muñhannga kana musidzana, munna kana mufumakadzi zwawe. Murena, vharwe vha vhathu vha hashu vho dzulaho hafha, madekwana ano, vhane vha si vhe nga fhasi ha Malofha. Ndi humbula zwavhudivhuđi maipfi a khotsi anga! Huno ndi a rabela, Mudzimu A funwaho, uri hu si vhe na muthihi wavho ane a xela. Zwi tendele, Murena. Ndi khou tenda kha Iwe zwino, nga zweṭhe zwine nda tea u tenda ngazwo.

<sup>123</sup> Shuma kha vharathu vhanga, khaladzi, khonani dzanga, hafhano fhethu madekwana ano na nnđa kule nga luṭingo. Mavundu o fhambanaho a re na tshivhalo a khou thetshelesa, u bva henengei Khunzikhunzini ya Vhubvađuvha u ya Vhubkovhela. Ndi a rabela, Mudzimu A funwaho, henengei u fhira masoga ngei Tucson, henengei u swika California, n̥tha ngei Nevada na Idaho, henengei u swika Vhubvađuvha na u mona hoṭhe, fhasi ngei Texas; musi thambo heyi i tshi newa, vhathu vho dzulaho ngomu—ngomu kha zwivhidzo zwiṭuku, zwiṭitshi zwa petirolo, mahaya, vho thetshelesaho. Oo Mudzimu, ngavhe ula munna o xelaho kana mufumakadzi, muñhannga kana musidzana, tshifhingani tshino, a tshi da kha Iwe. Zwi tendele zwenezwino. Ri zwi humbela Dzinani la Yesu, zwauri vha do wana fhethu hafha ha tsireledzo tshifhinga tshi tshi kha di tenda.

Musi, ri tshi vhona muñwalo kha luvhondo, lifhasi li tshi tshuwa, tshifhinga tsha mbofhollowo tshi tsini. Tshipida tsha lushaka lwashu tshi khou nupela, tshinwe tshipida tshi khou kunguluwa na u balea nga midzinginyo, sa Yesu o fulufhedzisa uri zwi do ralo. U songo zwi tendela zwi tshi lapfesa kha vhone, Murena. Ngavhe vha tshi zwi ḥanganedza zwino, ngauri ri vha nekedzela kha Iwe sa zwiphuga zwa tshumelo, ya Mafhungomađifha, Dzinani la Yesu. Amene.

<sup>124</sup> Naa ni a Mu tenda? Mudzimu a ni fhaṭutshedze. Ndi vhangana vha no tenda uri ndi Ngoho, kha tsha monde tshanga, imisani tshanda tshanu. Ndi vhangana kha tsha u la, imisani tshanda tshanu. Mudzimu a ni fhaṭutshedze. U ya nga hune nda vhona, ndi muñwe na muñwe. Heyo ndi Ngoho, khonani. Mudzimu u a ḥivha uri heyo ndi ngoho.

<sup>125</sup> Zwino ni Khae, nahone ni tshi tou vha Khae, ni na u swikelela tshiñwe na tshiñwe tshe A fela tshone. Huno ndi mini tshe A fela tshone? “Ene o rungelwa zwivhi zwashu, o pwashakanyelwa vhutshinyi hashu; thamu ya uri ri vhone mulalo yo vha kha Ene, huno ro fhodzwa nga ntho Dzawe.” Naa ni a zwi tenda izwo? Naa ni a tenda kha tshiñhavhelo Tshawe tsha phodzo zwino?

<sup>126</sup> Hu na a lwalaho vhukati hashu? Kha vha imise zwanda zwavho, zwa u la kana zwa monde. Magogo mahulu a vhulwadze. A thi nga koni uri hu rwiwe muduba. Ni a vhone, a tho ngo... vha nga si de kha pulatifomo. A hu na ndila ya u zwi ita.

Vho fara tshumelo dza thabelo nn̄da huñwe fhethu, vha tshi itela vhalwadze, zwivhidzoni na zwithuni, fhasi thaberenakeneleni.

Ndi khou ya u ni vhudzisa tshiñwe tshithu. Hu na vhatendi vhangana? Imisani tshan̄a tshan̄u. Ndi zwone. Ndi khou ya u ni bulela Ipf, line la vha Kristo. Ndæla ya Yesu ya u fhedzisela kha lifhasi, na kha Tshivhidzo, nga u tou ralo, O amba hezwi, “Hezwi zwiga zwi do tevhela vhenevho vhane vha tenda; arali vha tshi vhea zwanda zwavho kha vhahōta, vha do fhola.” Ndi vhangana vha no divha uri izwo ndi ngoho, Marko 16, i ri ni, “Amene.” [Tshivhidzo tshi ri, “Amene.”—Mudz.] Ndi zwone. Ndi khou ni humbela sa mutendi uri ni vhee zwanda zwañu kha muñwe a re phanda hanu. Itonu vhea zwanda zwañu kha muñwe a re phanda hanu, huno muñwe na muñwe kha rabele thabelo a tshi itela muñwe na muñwe zwino. Vheani zwanda zwañu kha muñwe a re tsini hanu.

<sup>127</sup> Murena, hafha phanda hanga hu na bogisi la zwisagadugu, zwpida zwiñuku zwa thundu; munwe mukegulu o lala huñwe fhethu, u khou lovha, lushie lu tsini ha lufu, vhathu vha lwalaho vha hoñhehōte. Ri vhala Bivhilini zwauri vho dzhia zwisagadugu na masila kha muvhili wa Paulo, huno zwa vhewa kha vhalwadze; huno mimuya mivhi, na mimuya ya tshika, na malwadze, na mañtungu, zwa tutshela vhathu. Zwino, Murena, ri a zwi divha uri a ri Paulo Mukhethwa, fhedzi ri zwi divha zwauri U dzula u Yesu, fhethu hu hōte ha vhurereli ho nekedzwaho nga Mudzimu. Huno zwino, ñamusi, havha vhathu vho bula lutendo Iwavho Iwonolwo luthihi, vha tshi tenda sa vhala vhathu. Ngangoho wo vha vulela ndila! Huno ndi vhea zwanda zwanga kha zwisagadugu izwi nahone ndi humbela uri mañtungu na mañtupho zwi tutshele mivhili ya vhathu vhane zwa do vhewa khavho Dzinani la Yesu Kristo.

<sup>128</sup> Zwino, ri a funzwa, zwauri musi Vhaisraele vha tshi bva Egipita, vhe mushumoni, vho vha vhe ndilani yavho ya u ya shangoni lo fulufhedziswaho. Lwanzhe Lutswuku lwo ima ndilani yavho. Huno Mudzimu a lavhelesa fhasi nga Khavhu ya Mulilo, huno lwanzhe lwa dzhenwa nga nyofho, lwa humela

murahu, huno lwa tendela Vhaisraele u pfukela shangoni lo fulufhedziswaho. Oo Mudzimu, sedza fhasi nga Malofha a Yesu, madekwana ano, huno vhulwadze kha vhu kungulutshele murahu, Saṭhane a pandelwe. Huno vhathu nga vha pfukele ngei kha pfulufhedziso la mutakalo wavhuđi na nungo, zwe Mudzimu a ri, “N̄tha ha zweđhe, ndi tama ni tshi vha na mutakalo.”

<sup>129</sup> Zwino sa musi U tshi vhona hafha, Murena Yesu, avha vhathu vho vheana zwanda, vha khou fanyisa lutendo lwavho, lwe Wa ri, “Hezwi zwiga zwi do tevhela vhanne vha tenda.” Vha khou rabela nga ndila yavho, vha tshi rabelisana. Muňwe u khou vha rabelela.

<sup>130</sup> Zwino, Murena, heyi khaedu yo endelwa, ya uri Saṭhane, mudzia-u-zwifha, ha na pfanelo ya u fareledza ñwana wa Mudzimu. Ndi tshivhumbwa tsho kundwaho. Yesu Kristo, ene fhethu hu hođhe ha vhurereli, lone Dzina la ngoho li lođhe, o mu kunda Khalivari. Huno zwa zwino ri vhiла Malofha Awe, uri O kunda vhulwadze vhuňwe na vhuňwe, dwendze liňwe na liňwe.

Huno ndi ita khuelelo kha Saṭhane uri a tutshele vhathetshelesi havha. Dzinani la Yesu Kristo, ibva kha havha vhathu, nahone vha vhofhololwe.

<sup>131</sup> Muňwe na muňwe a ḥanganedzaho phodzo yawe u ya nga Ipfi lo ñwaliwaho, itani vhužanzi hanu nga u ima nga milenzhe yanu ni ri, “Zwino ndi ḥanganedza phodzo yanga Dzinani la Yesu Kristo.” Imani nga milenzhe yanu.

Thendo kha i ye kha Mudzimu! Khezwo. Lavhelesani hafha, vha zwihole na zwithu vha khou takuwa. Thendo kha i ye kha Mudzimu. Ndi zwenezwo. Itonu tenda. U hone fhano. Zwi a mangadza nga maanda!

<sup>132</sup> Nnda henengei kha vhathetshelesi, ngei nnda, vho imaho ḥarađani, ni tea u vhona! Ndi elekanya uri muthu muňwe na muňwe ngomu hafha, u ya nga hune nda divha, kana vhuñzhi havho, vho ima nga tshino tshifhinga. Oo, tshifhinga tshi mangadzaho! Vhuhone ha Murena, ndi hone! “Hune Vhuhone ha Murena ha vha hone, hu na vhu-di-langi, hu na mbofholowo.” Muya wa Mudzimu u a ri vhofholola.

<sup>133</sup> Zwino ngauri O ri fhodza, ri a zwi tenda. O ri tshidza; ri a zwi tenda. Vhane vha tama u lovhedzwa, tivha lo luga. Tshifhinga tshinwe na tshinwe, awara inwe na inwe ine na ḥoda u ḫa, hu do vha na muňwe ane a do zwi ita.

Huno zwino ndi elekanya zwauri, phanda ha musi ri tshi vala, ri fanela u imba luimbo lwa kale lwa tshivhidzo. “Ndi a Mu funa, ndi a Mu funa ngauri ndi Ene we a thoma u mpfuna.” Kha ri imisele zwanda zwashu kha Mudzimu ri lu imbe nga mbilu dzashu dzođhe!

Ri khou ḥoda u ṭangana na inwi hafha nga matsheloni, tshifhinga tshi hafu u bva kha iri ya ṭahe, kha tshifhaṭo tshenetshi, u itela theroy *Mbingano na Thalano*. Zwo luga.

Kha ri lu imbe roṭhe zwino.

Ndi a Mu funa,

Litshani tshigwada hetshi tshihulwane tsha vhathetshelesi tshi lu imbe zwino! Ndā henengei dzithamboni, lu imbeni, na inwi-vho.

Ngauri O thoma u mpfunu  
Huno o renga u tshidzwa hanga  
Kha muri wa Khalivari.

<sup>134</sup> Ndi ngafhi he zwa itwa hone? Kha muri wa Khalivari. Musi ri tshi dovha u lu imba, ndi tama ni tshi khadana na muñwe tsini hanu, na ri, “Mudzimu a ni fhaṭutshedze, muṭoda-fulufhelo.”

Ndi . . .

Ngauri O thoma . . .  
Huno o renga u tshidzwa hanga  
Kha . . .

<sup>135</sup> Yawee, naa a ni Mu funi naa? [Tshivhidzo tshi ri, “Amene.”—Mudz.] Naa Ha mangadzi naa? [“Amene.”] Naa ndi Ene Fhethu hanu ha Vhudzumbamo? [“Amene.”] Ndi ene Tombo shangoni lo netaho, Vhukhudo tshifhingani tsha ḥumbu, Dzhavhelo li ḥoṭhe ḥine nda li ḥivha. Ngauralo:

Lutendo lwanga lu sedza Iwe,  
Iwe Ngwana ya Tshifhambano,  
Mutshidzi Mukhethwa;  
Zwino mpfe ndi tshi rabela,  
Tuwisa mulandu wanga woṭhe,  
Ntendele u bva ḥamusi  
U vha Wau tshoṭhe!

Kha ri imise zwanda zwashu ri tshi lu imba.

Lutendo lwanga lu sedza Iwe,  
Iwe Ngwana ya Tshifhambano,  
O Mutshidzi Mukhethwa;  
Zwino mpfe ndi tshi rabela,  
Tusela tshivhi tshanga kule,  
Ntendele u bva ḥamusi U vha Wau tshoṭhe!

Kha ri kotamise zwifhaṭuwo zwashu zwino ri tshi lu imba nga u tou ḥuṇuna.

Musi ndi tshi kandekanya mugo mutswu wa  
vhutshilo,  
Huno vhuṭungu u mona na nne vhu tshi  
phaḍalala,  
Ivha Muendedzi wanga;  
Vhudza swiswi li vhe ḋuvha,  
Fhuluṭa miṭodzi ya maṭungu,  
U songo ntendela ndi tshi pambuwa  
Kha Iwe nda ya thungo.

Musi ni tshee no kotamisa zwifhaṭuwo zwaṇu, mulisa  
washu a funwaho, Murathu Orman Neville, u ḫo balanganya  
vhathetshelesi.



*FHETHU HE MUDZIMU A HU NANGELA VHURERELI* TSV65-0220  
(God's Chosen Place Of Worship)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga Mugivhela nga madekwana, nga la 20 Luhuhi, 1965, ngei Parkview Junior High School kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2009 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)